



寧國郡重刻韓柳文序



韓柳二家文往識所贊辯具矣

嘗念宋儒若歐陽永叔若穆伯

長其嚮道乃在濂洛未章之世

蓋所謂卓然者而永叔於韓伯



長於柳方其未得得之未暇學  
及得而學之之樂也若不勝用  
志之勤者豈苟而然哉厥後韓  
文刻本既多舛誤參出晦庵朱  
先生又特著為考異力加是正

而柳文後有誤者則沈氏晦為  
校定焉今閩吳二本皆循朱沈  
所校惜其又不能無誤也寧國  
本前侍御可齋游君所刻茲二  
十年矣雖不載考異若諸論註

然讐覈頗精稱善本摹行既廣  
輒已劇昧逐字雕塞事苟訛生  
沙濱莫君由翰林為御史出按  
南畿寧國朱守自克以為言乃  
重加校梓用不墜前蹟莫君飭

風紀以奠民而篤於文教朱守  
持身甚約舉政則勤茲可見也  
昔孔子贊易曰其旨遠其辭文  
傳曰言之無文行而不遠於戲  
文可易言哉韓柳之文雖不必



槩于古之經傳然後之作者卒  
未有過之亦未有不學之者夫  
士志於道言以發其得文以達  
其言以行今以傳後豈徒游藝  
焉已哉世之為文者或不期於

道悖已語道者曰不期於文則  
歐穆晦翁之汲汲者獨何哉

嘉靖丙辰仲冬望後二日

賜進士兩京國子司業前翰林檢

討同修

國朝會典兼理

誥勅盱江王材書

刻韓柳文序

明巡按直隸監察御史前翰林院庶吉士南平游居敬撰

夫秦漢以後稱文者唯韓柳是宗蓋自晉魏迄唐  
文士操觚競向纖靡點綴是工音響妍麗而醇厚  
雅淡之體寢衰貞元元和間韓柳二公相望而起  
奮追上古削去浮豔屏黜駢儷雖體裁各殊要之  
綜括經典融通墳籍追蹤司馬遷劉向揚雄班固  
諸名筆成一家言則均是故其傳遠其宗之者同  
然其爲書多奇字古義唐宋諸鉅儒迭爲辨釋爲  
之音註其義晰矣顧其章離而意斷議繁而氣格



渾成之體稍滑焉余讀中秘時每取觀輒以爲病  
竊欲省釋舊箋唯存正文庸復作者之初而未克  
就丙申冬奉

命按至寧國暇日以是諮于寧國黎守晨洎宣城知  
縣吳悌僉曰便廼取蘇閩舊刻稍加叅校付之命  
工梓焉編次遵李劉二子所集存舊也韓爲卷四  
十次外集十卷次集傳次遺文柳爲卷四十三別  
集外集附錄以次附焉各仍其初重更也音切存  
其難解者利習也時本間有一二脫訛取善本釐  
正焉崇古也工起今年春首凡五閱月告竣僭題

之曰韓文柳文云司校刊則教諭陳思誠訓導陳  
嘉賓也比襄厥成教授鄭富訓導何偉與有事焉  
或者曰韓柳之文前人評之備矣概之於道何居  
余曰道因言以闡見道有淺深則其詞有醇駁若  
韓子原道原性師說等篇匪出蹈襲而直探理本  
佛骨一表凜然正氣足驚服奸詭謂有見於道者  
非邪而柳子梓人橐駝等傳咸因物喻理雖非灼  
然與道協貫較之析辨詭辭以撓世事者異矣若  
其爲人終始大節則載諸書傳者可攷也已

嘉靖丁酉秋八月朔

韓文序

門人 李漢編

文者貫道之器也不深於斯道有至焉者不也易繇爻象  
春秋書事詩詠訶書禮剔其僞皆深矣乎秦漢已前其氣  
渾然迨乎司馬遷相如董生楊雄劉向之徒尤所謂傑然  
者也至後漢曹魏氣象萎薺司馬氏已來規範蕩悉謂易  
已下爲古文剽掠潛竊爲工耳文與道綦塞固然莫知也  
先生生於大曆戊申幼孤隨兄播遷韶嶺兄卒鞠於嫂氏  
辛勤來歸自知讀書爲文日記數千百言比壯經書通念  
曉折酷排釋氏諸史百子皆搜抉無隱汗瀾卓蹕齋泫澄  
深詭然而蛟龍翔蔚然而虎鳳躍鏘然而韶鈞鳴日光玉



潔周情孔思千態萬貌卒澤於道德仁義炳如也洞視萬古愍惻當世遂大拯頽風教人自為時人始而驚中而笑且排先生益堅終而翕然隨以定嗚呼先生於文摧陷廓清之功比於武事可謂雄偉不常者矣長慶四年冬先生歿門人隴西李漢辱知最厚且親遂收拾遺文無所失墜得賦四古詩二百一十聯句十一律詩一百六十雜著六十五書啓序九十六哀辭祭文三十九碑誌七十六筆硯鱷魚文三表狀五十二總七百并目錄合為四十一卷目為昌黎先生集傳於代又有注論語十卷傳學者順宗實錄五卷列於史書不在集中先生諱愈字退之官至吏部侍郎餘在國史本傳

韓文目錄

門人李漢編

卷之一

賦

感二鳥賦

復志賦

閔已賦

別知賦

古詩

元和聖德詩

琴操十首

南山詩

謝自然詩

秋懷詩十首

赴江陵途中寄三學士詩

暮行河堤上詩

夜歌

重雲

江漢

長安交遊者

岐山下二首

卷之二

古詩

北極一首贈李觀

此日足可惜贈張籍

幽懷

君子法天運

落葉

歸彭城

醉後

醉贈張祕書

同冠峽

送惠師

送靈師

縣齋有懷

合江亭

陪杜侍御遊湘西寺

岳陽樓

送文暢師

荅張徹

薦士

喜侯喜至贈張籍張徹

鴛驥

古風

馬馱穀

出門

嗟哉董生行

烽火

汴州亂二首

利劍

巖巖

卷之三

古詩

河之水二首

山石



天星

汴泗交流

忽忽

鳴鴈

龍移

雉帶箭

條山蒼

贈鄭兵曹

桃源圖

東方半明

贈唐衢

貞女峽

贈侯喜

古意

八月十五夜

謁衡嶽廟

峒嶼山

永貞行

洞庭湖阻風

李花

杏花

感春四首

寒食出遊

憶昨行

卷之四

古詩

劉生詩

鄭羣贈箏

豐陵行

遊青龍寺贈崔補闕

贈崔立之

送區弘

三星行

剝啄行

青青水中蒲三首

孟東野失子

陸渾山火

縣齋讀書

題新竹

晚菊

落齒

哭楊兵部凝陸欽州參

苦寒

赤藤杖歌

酬崔十六少府

送侯參謀

東都遇春

感春五首

酬裴十六功曹

燕河南府秀才

送李翺

送石處士

送湖南李正字

卷之五

古詩

辛卯年雪

醉留東野

李花二首

招揚之眾

寄盧仝

酬司門盧四雲夫院長望

秋作

誰氏子

河南令舍池臺

送無本師歸范陽

石鼓歌

雙鳥詩

贈劉師服

題炭谷湫祠堂

聽穎師彈琴

送陸暢歸江南

送進士劉師服東歸

嘲魯連子

贈張籍

調張籍

盧郎中雲夫寄示盤谷子歌以和之

寄皇甫湜

病中贈張十八

雜詩

寄崔二十六立之

月蝕詩效玉川子作

孟生詩



射訓狐

將歸贈孟東野房蜀客一

荅孟郊

從仕

短燈檠歌

送劉師服

卷之六

古詩

符讀書城南

示爽

人日城南登高

病鴟

華山女

讀皇甫湜公安園池詩書其後二首

路傍堠

食曲河驛

過南陽

瀧吏

贈別元十八協律六首

初南食貽元十八協律

宿曾江口示姪孫湘二首

荅柳柳州食蝦蟇

別趙子

除官赴闕至江州寄鄂岳李大夫

南山有高樹行一首贈李宗閔

猛虎行

卷之七

古詩

雪後寄崔二十六丞公

送僧澄觀

獻山南鄭相公樊員外

和武相公詠孔雀 感春三首

行香贈盧李二中舍人

晚寄張十八助教周郎博士

題張十八所居 酬盧給事曲江荷花

和錢七盆池所植 記夢

南內朝賀歸呈同官 朝歸

雜詩四首 讀東方朔雜事

譴瘧鬼 示兒

庭楸 翫月喜張十八以王六至

和李相公攝事南郊 和裴僕射相公假山

與張十八同效阮步兵

送諸葛覺往隨州讀書  
南溪始泛三首

卷之八

聯句

城南聯句 會合聯句

鬪雞聯句 納涼聯句

秋雨聯句 征蜀聯句

同宿聯句 莎柵聯句

雨中寄孟刑部聯句 遠遊聯句

晚秋鄜城夜會聯句

卷之九



卷律詩凡八十五首

題楚昭王廟

宿龍宮灘

義魚招張功曹

李員外寄紙筆

次同冠峽

答張十一功曹

郴州祈雨

湘中酬張十一功曹

郴州又贈二首

題木居士二首

晚泊江口

湘中

別盈上人

喜雪獻裴尚書

春雪

聞梨花發贈劉師命

春雪間早梅

早春雪中聞鶯

梨花下贈劉師命

和歸工部送僧約

入關詠馬

木芙蓉

題張十一旅舍三詠

榴花

井

蒲萄

峽石西泉

梁國惠康公主挽歌二首

和崔舍人詠月二十韻

詠雪贈張籍

酬王二十舍人雪中見寄

送侯喜

學諸進士作精衛銜石填海

酬振武胡十二大夫

和盧庫部元日朝迴

寒食直歸遇雨

送李六協律歸荆南

題百葉桃花

春雪

戲題牡丹

盆池五首

芍藥

奉和號州劉給事三堂二十一詠并序

新亭

流水

竹洞

月臺

渚亭

竹溪

北湖

花島

柳溪

西山

竹逕

荷池

稻畦

柳巷

花源

北樓

鏡潭

孤嶼

方橋

梯橋

月池

遊城南十六首

蹇神

題于賓客莊

晚春

落花

車楸樹二首

風折花枝

卷之

贈同遊

贈張十八助教

題韋氏莊

晚雨

出城

把酒



嘲少年

楸樹

遣興

卷之十

律詩凡八十首

送李尚書赴襄陽八韻

和席八十二韻

和武相公早春聞鶯

太安池

遊太平公主山莊

晚春

大行皇太后挽歌詞二首

廣宣上人頻見過

閑遊二首

酬馬侍郎寄酒

和侯協律詠筓

過鴻溝

送張侍郎

贈刑部馬侍郎

和裴相公女几山下作

鄜城晚飲贈馬侍郎及馮李二員外

酬別留後侍郎

同李二十八夜次襄城

同李二十八野宿西界

過襄城

宿神龜招李二十八馮十

七

次硤石

和李司勳過連昌宮

次潼關寄張十二閣老使

君

次潼關上都統相公

桃林夜賀晉公

送李員外院長分司東都

和晉公破賊回重拜台司

獨釣四首

枯樹

元日酬馬尚書去年元日之什

詠燈花同侯十一  
祖席前字

秋字  
送鄭尚書赴南海

荅道士寄樹雞  
左遷至藍關示姪孫湘

武關西逢配流吐蕃  
次鄧州界

題臨龍寺  
酬韶州張使君惠書二章

題秀禪師房  
將至韶州寄張使君借圖

經  
過始興江口感懷

韶州留別張使君  
量移袁州酬張韶州

次石頭驛寄王中丞  
遊西林寺題蕭郎中舊堂

自袁州還京次安陸寄周隨州

題廣昌館  
寄隨州周員外

酒中留上襄陽李相公

題層峰驛梁  
賀張十八秘書得裴司空

馬  
杏園送張徹

雨中寄張博士侯主簿

和張侍郎酬馬尚書  
早春遊楊尚書林亭

奉使常山次太原  
夕次壽陽驛題吳郎中詩

後  
鎮州初歸

同水部張員外曲江春遊寄白舍人

和水部張員外宣政衙賜櫻桃詩

早春呈水部張員外二首



送桂州嚴大夫

酬馬僕射見寄之作

奉使鎮州酬裴司空

鎮州路上酬裴司空重見

寄

和僕射裴相公感恩言志

和僕射相公朝迴見寄

和李相公題蕭家林亭

和杜相公太清宮

卷之十一

雜著

原道

原性

原毀

原人

原鬼

行難

對禹問

雜說四首

讀荀子

讀鶡冠子

讀儀禮

讀墨子

卷之十二

雜著

獲麟解

師說

進學解

本政

守戒

圻者土承福傳

五箴五首并序

後漢三賢贊二首

諱辯

訟風伯

伯夷頌

卷之十三

雜著

子產不毀鄉校頌

釋言

愛直贈李君房別

張中丞傳後叙

河中府連理木頌

汴州東西水門記

燕喜亭記

徐泗濠三州節度掌書記廳石記

畫記

藍田縣丞廳壁記

新修滕王閣記

科斗書後記

卷之十四

雜著書

鄆州溪堂詩

貓相乳

進士策問十三首

爭臣論

改葬服議

學生代齊郎議

帝裕議

顏子不貳過論

與李祕書論小功不稅書

卷之十五

答張籍書

重答張籍書

卷之十五

書啓

與孟東野書

答竇秀才書

上李尚書書

賀徐州張僕射白兔狀



上兵部李侍郎書

荅尉遲生書

荅楊子書

至鄧州北寄上襄陽于相公書

為分司郎官上鄭尚書相公啓

為河南令上留守鄭相公啓

卷之十六

書

上宰相書

後十九日復上書

後二十九日復上書

荅侯繼書

荅崔立之書

荅李翊書

重荅李翊書

代張籍與李浙東書

荅李秀才書

荅陳生書

與李翊書

卷之十七

書

上張僕射書

荅胡生書

與于襄陽書

與崔羣書

與陳給事書

荅馮宿書

與衛中行書

上張僕射第二書

與馮宿論文書

與祠部陸員外書

卷之十八

書

與京西節度使書

為人求薦書

卷之十九 應科目時與人書

答劉正夫書

答殷侍御書

答陳商書

與孟尚書書

答呂鑿山人書

答渝州李使君書

答元侍御書

卷之十九

書序

與鄭相公書

與袁相公書

與鄂州柳中丞書二首

與魏博田僕射書

與華州李尚書書

京尹不臺參答友人書

送陸欽州詩序

送孟東野序

送許郢州序

送竇從事序

上巳日燕太學聽彈琴詩序

送齊皞下第序

送陳密詩

送李愿歸盤谷序

送牛堪序

卷之二十

序

送董邵南序

贈崔復州序

送張童子序

送浮屠文暢師序

送楊支使序

送何堅序

送廖道士序

送王秀才序



送孟秀才序

送陳秀才序

送王墳秀才序

荆潭唱和詩序

送幽州李端公序

卷之二十一

序

送區冊序

送張道士序

送高閑上人序

送殷員外序

送楊少尹序

送權秀才序

送湖南李正字序

送石處士序

送温處士赴河陽軍序

送鄭尚書序

送水陸運使韓侍御歸所治序

韋侍講盛山十二詩序

卷之二十二

哀辭 祭文

祭田橫墓文

歐陽生哀辭

題哀辭後

獨孤申叔哀辭

祭穆員外文

祭郴州李使君文

祭薛助教文

祭虞部張員外文

祭左司李員外太夫人文

祭薛中丞文

祭裴太常文

潮州祭神文五首

卷之二十三

祭文

袁州祭神文三首

祭柳子厚文

祭湘君夫人文

祭竇司業文

祭侯主簿文

祭竹林神文

曲江祭龍文

祭馬僕射文

弔武侍御所畫佛文

祭故陝府李司馬文

祭十二兄文

祭鄭夫人文

祭十二郎文

祭周氏姪女文

祭滂文

祭張給事文

祭李氏二十九娘子文

祭張給事文

祭女挈女文

卷之二十四

碑誌

李元賓墓銘

崔評事墓銘

施先生墓銘

考功員外盧君墓銘

施州房使君鄭夫人殯表

清邊郡王楊燕奇碑文

河南少尹裴君墓誌銘

國子助教河東薛君墓誌銘

監察御史元君妻京兆韋氏夫人墓誌銘



卷之二十五

碑誌

登封縣尉盧殷墓誌銘

興元少尹房君墓誌銘

河南少尹李公墓誌銘

集賢院校理石君墓誌銘

唐故江西觀察使韋公墓誌銘

唐故河南府王屋縣尉畢君墓誌銘

試大理評事胡君墓誌銘

襄陽盧丞墓誌銘

唐河中府法曹張君墓碣銘

太原府參軍苗君墓誌銘

卷之二十六

碑誌

唐朝散大夫贈司勳員外郎孔君墓誌銘

故中散大夫河南尹杜君墓誌銘

唐銀青光祿大夫守左散騎常侍致仕上柱國襄

陽郡王平陽路公神道碑銘

烏氏廟碑銘

唐故河東節度觀察使滎陽鄭公神道碑文

魏博節度觀察使沂國公先廟碑銘

卷之二十七

碑誌

劉統軍碑

衢州徐偃王廟碑

袁州先廟碑

清河郡公房公墓碣銘

唐故銀青光祿大夫檢校左散騎常侍兼右金吾

衛大將軍贈工部尚書太原郡公神道碑文

卷之二十八

碑誌

曹成王碑

息國夫人墓誌銘

試大理評事王君墓誌銘

扶風郡夫人墓誌銘 殿中侍御史李君墓誌銘

卷之二十九

卷碑誌

唐故朝散大夫商州刺史除名徙封州董府君墓

貞曜先生墓誌

唐故秘書少監贈絳州刺史獨孤府君墓誌銘

唐故虞部員外郎張府君墓誌銘

唐故檢校尚書左僕射右龍武軍統軍劉公墓誌

卷之三十

碑誌

唐故監察御史衛府君墓誌



唐故河南令張君墓誌銘

鳳翔隴州節度使李公墓誌銘

唐故中散大夫少府監胡良公墓神道碑

唐故相權公墓銘 平淮西碑

卷之三十一

碑誌

南海神廟碑

處州孔子廟碑

柳州羅池廟碑

黃陵廟碑

唐故江南西道觀察使贈左散騎常侍太原王公

神道碑

卷之三十二

卷碑誌

司徒兼侍中中書令贈太尉許國公神道碑銘

柳子厚墓誌銘

唐故昭武校尉守左金吾衛將軍李公墓誌銘

唐故朝散大夫尚書庫部郎中鄭君墓誌銘

唐故朝散大夫越州刺史薛公墓誌銘

卷之三十三

碑誌

楚國夫人墓誌銘

唐故國子司業竇公墓誌銘

唐正議大夫尚書左丞孔公墓誌銘

故江南西道觀察使贈左散騎常侍太原王公墓誌銘  
殿中少監馬君墓誌銘

卷之三十四

碑誌

南陽樊紹述墓誌銘

中大夫陝府左司馬李公墓誌銘

故幽州節度判官贈給事中清河張君墓誌銘

河南府法曹參軍盧府君夫人墓誌銘

故貝州司法參軍李君墓誌銘

處士盧君墓誌銘  
故太學博士李君墓誌銘

卷之三十五

碑誌

盧渾墓誌銘

號州司戶韓府君墓誌銘

四門博士固况妻韓氏墓誌銘

韓滂墓誌銘

女挈壙銘

河南緱氏主簿唐充妻盧氏墓誌銘

乳母墓銘

卷之三十六

雜文

瘞硯銘

毛穎傳

送窮文

鱉魚文

卷之三十七



狀

贈太傅董公行狀

與汝州盧郎中論薦侯喜狀

論今年權停舉選狀 御史臺上論天旱人饑狀

請復國子監生徒狀

唐故贈絳州刺史馬府君行狀

復讎狀 錢重物輕狀

卷之三十八

表狀

為韋相公讓官表 為宰相賀雪表

進順宗皇帝實錄表狀二首

為裴相公讓官表 為宰相賀白龜狀

冬薦官殷侑狀 進王用碑文狀

謝許受王用男人事物狀

薦樊宗師狀 舉錢徽自代狀

進撰平淮西碑文表 奏韓弘人事物狀

謝許受韓弘物狀

卷之三十九

表狀

論捕賊行賞表 論佛骨表

潮州刺史謝上表 賀冊尊號表

袁州刺史謝上表 賀皇帝即位表

韓文  
賀赦表

賀冊皇太后表

賀慶雲表

舉張惟素自代狀

舉韓泰自代狀

慰國哀表

舉薦張籍狀

請上尊號表

舉韋顛自代狀

卷之四十

表狀

論孔戣致仕狀

舉馬總自代狀

賀雨表

賀太陽不虧狀

舉張正甫自代狀

袁州申使狀

國子監論新注學官牒

黃家賊事宜狀

應所在典貼良人男女等狀

論淮西事宜狀

論變鹽法事宜狀

韓文外集目錄

卷之一

明水賦

芍藥歌

海水

贈崔立之

贈河陽李大夫

苦寒歌

請遷玄宗廟議

卷之二

上賈滑州書

上考功崔虞部書



與少室李拾遺書

答劉秀才論史書

卷之三

送汴州監軍俱文珍序  
送浮屠令縱西游序

卷之四

通解

撰言解

鄴人對

河南府同官記

記宜城驛

題李生壁

卷之五

除崔戶部侍郎制

祭董相公文

祭石君文

祭房君文

高君僊硯銘

高君畫贊

潮州請置鄉校牒

卷之六

順宗實錄卷第一

卷之七

順宗實錄卷第二

卷之八

順宗實錄卷第三

卷之九

順宗實錄卷第四

卷之十

順宗實錄卷第五

韓文集傳目錄

新書本傳

文錄序

記舊本韓文後

潮州韓文公廟碑

韓文遺集目錄

聯句

有所思

遣興

贈劔客李園

遺詩

同竇韋尋劉尊師不遇

春雪

贈族姪

嘲鼾睡六首

晝月

贈張徐州莫辭酒

辭唱歌

知音者誠希

酬藍田崔丞立之詠雪見寄

潭州泊船呈諸公

飲城南道邊古墓上逢中丞過贈禮部衛員外少

室張道士

池上絮

書皇帝明堂實錄

蒼苔侯生問論語

墓誌



相州刺史御史中丞田公故夫人魏氏墓誌銘

啓

皇帝卽位賀宰相

狀

奏汴州得嘉禾嘉瓜 皇帝卽位賀諸道

皇帝卽位降赦賀觀察使

潮州謝孔大夫

疏

憲宗崩慰諸道

題名

長安慈恩塔

洛北惠林寺

謁少室李渤

福先塔寺

嵩山天封宮

迂杜兼

華嶽

韓文目錄終

韓文目錄

韓文卷之一

明巡按直隸監察御史新會莫如士重校

賦

感二鳥賦

貞元十一年五月戊辰愈東歸癸酉自潼關出息于河之  
 陰時始去京師有不遇時之歎見行有籠白烏白鸚鵡而  
 西者號於道曰某土之守音某官使使去聲者進於天子東  
 西行者皆避路莫敢正目焉因竊自悲幸生天下無事時  
 承先人之遺業不識干戈耒耜攻守耕穫之勤讀書著文  
 自七歲至今凡二十二年其行已不敢有愧於道其間居  
 思念前古當今之故亦僅志其一二大者焉選舉於有司



與百十人偕進退曾不得名薦書齒下士于朝以仰望天子之光明今是鳥也惟以羽毛之異非有道德智謀承顧問贊教化者乃反得蒙採擢薦進光耀如此故為賦以自悼且明夫遭時者雖小善必達不遭時者累善無所容焉其辭曰

吾何歸乎吾將既行而後思誠不足以自存苟有食其從之出國門而東驚觸白日之隆景時返顧以流涕念西路之羌永過潼關而坐息窺黃流之奔猛感二鳥之無知方蒙恩而入幸惟進退之殊異增余懷之耿耿彼中心之何嘉徒外飾焉是逞余生命之湮阨曾二鳥之不如汨東西與南北恒十年而不居辱飽食其有數况策名於薦書時

所好之為賢庸有謂余之非愚昔殷之高宗得良弼於宵寐孰左右者為之先信天同而神比及時運之未來或兩求而莫致雖家到而戶說祇以招尤而速累蓋上天之生余亦有期於下地盍求配於古人獨怊悵於無位惟得之而不能乃鬼神之所戲幸年歲之未暮庶無羨於斯類

復志賦

并序

愈既從隴西公平汴州其明年七月有負薪之疾退休于居作復志賦其辭曰

居悒悒

音邑

之無解兮獨長思而永歎

音難

豈朝食之不飽兮

寧冬裘之不完昔余之既有知兮誠坎軻而艱難當歲行之未復兮從伯氏以南遷凌大江之驚波兮過洞庭之



漫漫至曲江而乃息兮逾南紀之連山嗟日月其幾何兮  
攜孤嫠音而北旋值中原之有事兮將就食於江之南始  
專專於講習兮非古訓爲無所用其心窺前靈之逸迹兮  
超孤舉而幽尋既識路又疾驅兮孰知余力之不任音考  
古人之所佩兮閱時俗之所服忽忘身之不肖兮謂青紫  
其可拾自知者爲明兮故吾之所以爲惑擇吉日余西征  
兮亦既造夫京師君之門不可逕而入兮遂從試於有司  
惟名利之都府兮羌衆人之所馳競乘時而附勢兮紛變  
化其難推全純愚以靖處兮將與彼而異宜欲奔走以及  
事兮顧初心而自非朝騁驚乎書林兮夕翱翔乎藝苑諒  
却步以圖前兮不浸近而逾遠哀白日之不與吾謀兮至

今十年其猶初豈不登名於一科兮曾不補其遺餘進既  
不獲其志願兮退將遁而窮居排國門而東出兮慨余行  
之舒舒時憑高以迴顧兮涕泣下之交如矣洛師而悵望  
兮聊浮游以躊躇假大龜以視兆兮求幽貞之所廬甘潛  
伏以老死兮不顯著其名譽音非夫子之洵美兮吾何爲  
乎浚之都小人之懷惠兮猶知獻其至愚固余異於牛馬  
兮寧止乎飲水而求芻伏門下而默默兮竟歲年以康娛  
時乘閒以獲進兮顏垂歡而愉愉仰盛德以安窮兮又何  
忠之能輸昔余之約吾心兮誰無施而有獲嫉貪佞之洿  
濁兮曰吾其既勞而後食懲此志之不脩兮愛此言之不  
可忘情怛悵以自失兮心無歸之茫茫苟不內得其如斯



今孰與不食而高翔抱關之阨陋兮有肆志之揚揚伊尹之  
樂於畎畝兮焉富貴之能當恐誓言之不固兮斯自訟以  
成章往者不可復兮冀來今之可望

閔巴賦

余悲不及古之人兮伊時勢而則然獨閔閔其曷已憑文  
章以自宣昔顏氏之庶幾在隱約而平寬固哲人之細事  
夫子乃嗟歎其賢惡飲食乎陋巷亦足以頤神而保年有  
至聖而爲之依歸又何不自得於艱難曰余昏昏其無類  
望夫人其已遠行舟楫而不識四方涉大水之漫漫勤祖  
先之所貽勉汲汲於前修之言雖舉足以蹈道哀與我者  
爲誰衆皆捨而已用忽自惑其是非下土茫茫其廣大余

壹不知其可懷就水草以休息恒未安而旣危久拳拳其  
何故亦天命之本宜惟否泰之相極咸一得而一違君子  
有失其所小人有得其時聊固守以靜俟誠不及古之人  
兮其焉悲

別知賦

余取友於天下將歲行之兩周下何深之不卽上何高之  
不求紛擾擾其旣多咸喜能而好修寧安顯而獨裕顧阨  
窮而共愁惟知心之難得斯百一而爲收歲癸未而遷逐  
侶蟲蛇於海陬遇夫人之來使闢公館而羅羞索微言於  
亂志發孤笑於羣憂物何深而不鏡理何隱而不抽始參  
差以異序卒爛漫而同流何此歡之不可恃遂駕馬而廻



輶山礪礪

五交切

其相軋樹翁翁

音籍

其相穆

居由

雨浪浪

其不止雲浩浩

音浮

其常浮知來者之不可以數辨哀去此而

無由倚郭郭

音郭

而掩涕空盡日以遲留而

讀古詩

其相軋樹翁翁其相穆居由雨浪浪其常浮知來者之不可以數辨哀去此而無由倚郭郭而掩涕空盡日以遲留而

不末元和聖德詩

并序

臣愈頓首再拜言臣伏見皇帝陛下即位以來誅流姦臣

朝廷清明無有欺蔽外斬楊惠琳劉闢以取夏蜀東定青

徐積年之叛海內怖駭不敢違越郊天告廟神靈歡喜風

雨晦明無不從順太平之期適當今日臣蒙被恩澤日與

羣臣序立紫宸殿陛下親望穆穆之光而其職業又在以

經籍教導國子誠宜率先作歌詩以稱道盛德不可以辭

語淺薄不足以自效為解輒依古作四言元和聖德詩一

篇凡千有二十四字指事實錄具載明天子文武神聖以

警動百姓耳目傳示無極其詩曰

皇帝即阼物無違拒曰暘而暘曰雨而雨維是元年有盜

在夏欲覆其州以踵近武皇帝曰嘻豈不在我負鄙為艱

縱則不可出師征之其衆十旅軍其城下告以福禍腹敗

枝披不敢保聚擲首俾音外降旛夜豎疆外之險莫過蜀

土韋臯去鎮劉闢守後血人于牙不肯吐口開庫音士曰

隨所取汝張汝弓汝鼓汝鼓汝為表書求我帥汝事始上

聞在列咸怒皇帝曰然嗟遠士女苟附而安則且付與讀

命於庭出節少府朝發京師夕至其部闢喜謂黨汝振而



伍蜀可全有此不當受萬牛鬻力轉切炙萬甕行酒以錦纏

股以紅帕首有惟音其兇有餌其誘其出穰穰音隊以萬

數遂劫東川遂據城阻皇帝曰嗟其又可許爰命崇文分

卒禁禦有安其驅無暴我野日行三十徐壁其右關黨聚

謀鹿頭是守崇文奉詔進退規矩戰不貪殺擒不濫數四

方節度整兵頓馬上章請討俟命起坐皇帝曰嘻無汝煩

苦荆并洎梁在國門戶出師三千各選爾醜四軍齊作殷

其如阜或拔其角或脫其距長驅洋洋無有齟齬音八月

壬午關棄城走載妻與妾包裹稚乳是日崇文入處其宇

分散逐捕搜原剔藪關窮見窘無地自處俯視大江不見

洲渚遂自顛倒若杵投曰取之江中枷脰音械手婦女繫

纍啼哭拜叩來獻闕下以告廟社周示城市咸使觀覩解

脫攀索夾以砧斧婉婉弱子赤立偃音僂音牽頭曳足先

斷脊脅次及其徒體骸撐丑庚切拄塚庚切末乃取關駭汗如

寫音揮刀紛紜爭刊音膾脯優賞將吏扶珪綴組帛堆其

冢粟塞其庾哀隣陣歿廩給孤寡贈官封墓周市宏溥經

戰伐地寬免租簿施令酬功急疾如火天地中間莫不順

序幽恒青魏東盡海浦南至徐蔡區外雜虜恒威赧德跋

踏蹈舞掉棄兵革私習簋簠來請來覲十百其耦皇帝曰

吁伯父叔舅各安爾位訓厥眈晦正月元日初見宗祖躬

執百禮登降拜俯薦于新宮視瞻梁杞音感見容色淚落

入俎侍祠之臣助我惻楚乃以上辛於郊用牡除于國南



鱗笏毛篋

音廬幕周施開揭磊

音可獸盾騰拏

女加圓壇帖安天兵四羅旂常姁切娜切駕龍十二

魚魚雅雅宵昇干丘奠璧獻等衆樂驚作轟音融冶紫

焰嘘呵高靈下墮羣星從坐錯落侈哆音者日君月妃煥

赫鳥果切媿五果切瀆鬼濛鴻嶽祗業音我我音我沃羶薺產

祥降嘏鳳皇應奏舒翼自拊赤麟黃龍透音威陀結糾卿士

庶人黃童白叟踊躍歡呀失喜噎歐鳥后切乾清坤夷境落

褰舉帝車迴來日正當午幸丹鳳門大赦天下滌濯剗磔

磨滅瑕垢續功臣嗣拔賢任者孩養無告仁滂施厚皇帝

神聖通達今古聽聰視明一似堯禹生知法式動得理所

天錫皇帝為天下主并包畜養無異細鉅億載萬年敢有

違者皇帝儉勤盥濯陶瓦斤遣浮華好此締紵勅戒四方

侈則有咎天錫皇帝多麥與黍無召水旱耗于雀鼠億載

萬年有富無窶皇帝正直別白善否擅命而狂既翦既去

盡逐羣姦靡有遺侶天錫皇帝厖臣碩輔博問遐觀以置

左右億載萬年無敢余侮皇帝大孝慈祥悌友怡怡愉愉

奉太皇后浹于族親濡及九有天錫皇帝與天齊壽登茲

太平無怠永久億載萬年為父為母博士臣愈職是訓詁

作為歌詩以配吉甫

琴操十首并序

將歸操 孔子之趙聞殺鳴犢作

秋之水兮其色幽幽我將濟兮不得其由涉其淺兮石齧



我足乘其深兮龍入我舟我濟而悔兮將安歸尤歸兮歸兮無與石鬪兮無應龍求

猗蘭操 孔子傷不逢時作

蘭之猗猗揚揚其香不採而佩於蘭何傷今天之旋其曷爲然我行四方以日以年雪霜貿貿黯黯薺麥之茂子如不傷我不爾覲薺麥之茂薺麥之有君子之傷君子之守

龜山操 孔子以季桓子受齊女樂諫不從望龜山

而作

龜之氛兮不能雲雨龜之枿牙葛切兮不中梁柱龜之大兮

祇以奄魯知將墮兮哀莫余伍周公有鬼兮嗟余歸輔

越裳操 周公作

雨之施物以孳我何意於彼爲自周之先其艱其勤以有疆宇私我後人我祖在上四方在下厥臨孔威敢戲以侮孰荒于門孰治于田四海旣均越裳是臣

拘幽操 文王羑里作

目窈窕兮其凝其盲耳肅肅兮聽不聞聲朝不日出兮夜不見月與星有知無知兮爲死爲生嗚呼臣罪當誅兮天

王聖明

岐山操 周公爲太王作

我家于豳自我先公伊我承序敢有不同今狄之人將土我疆民爲我戰誰使死傷彼岐有咀我往獨處爾莫余追無思我悲



履霜操 尹吉甫子伯奇無罪爲後母譖而見逐自傷作

父兮兒寒母兮兒饑兒罪當答逐兒何爲兒在中野以宿以處四無人聲誰與兒語兒寒何衣兒饑何食兒行于野履霜以足母生衆兒有母憐之獨無母憐兒寧不悲

雉朝飛操 牧犢子七十無妻見雉雙飛感之而作雉之飛于朝日羣雌孤雄意氣橫出當東而西當啄而飛隨飛隨啄羣雌粥粥嗟我雖人曾不如彼雉雞生身七十年無一妾與妃

別鵠操 商陵穆子娶妻五年無子父母欲其改娶其妻聞之中夜悲嘯穆子感之而作

雄鵠銜枝來雌鵠啄泥歸巢成不生子大義當乖離江漢水之大鵠身鳥之微更無相逢日且可繞樹相隨飛

殘形操 曾子夢見一狸不見其首作

有獸維狸兮我夢得之其身孔明兮而頭不知吉凶何爲兮覺坐而思巫咸上天兮識者其誰

南山詩

吾聞京城南茲維羣山圍東西兩際海巨細難悉究山經及地志茫昧非受授團辭試提挈挂一念萬漏欲休諒不能粗叙所經觀嘗昇崇丘望戢戢見相湊晴明出稜角縷脉碎分繡蒸嵐相頽洞表裏忽通透無風自飄簸融液煦柔茂橫雲時平疑點點露數岫天空浮脩眉濃綠畫新就



孤撐有巉絕海浴寒鵬噉音春陽潛沮如音濯濯吐深秀

巖巒雖律音萃音昨音沒音輒弱類含耐音夏炎百木盛蔭鬱增

埋覆神靈日歆音虧音雲氣爭結構秋霜喜刻音轢音磔音卓

立癯瘦參差相疊重剛耿陵宇宙冬行雖幽墨水雪工琢

鏤新曦照危峨億丈恒高表音候明昏無停態頃刻異狀

候西南雄太白突起莫間造音初音救藩都配德運分宅占丁

戊音黯逍遙越坤位詆訐陷乾竇空虛寒兢兢風氣較搜漱

朱維方燒日陰蔽縱騰糅音救昆明大池北去覲偶晴晝

繇聯窮俯視倒側困清漚微瀾動水面踴躍躁音猱音刀狄

樾驚呼惜破碎仰喜呀不什前尋徑杜墅音壘音蔽畢原

陋崎嶇上軒昂始得觀覽富音壑音救行行將遂窮嶺陸煩互

走音勃然思坼裂擁掩難恕宥巨靈與夸蛾遠賈音期必

售還疑造物意固護蓄精祐力雖能排幹雷電怯呵詬攀

緣脫手足蹭蹬抵積甃茫如試矯首埒音塞生恂音慙音茂

威容喪蕭爽近新迷遠舊拘官計日月欲進不可又因緣

窺其湫凝湛閔陰音罟音魚蝦可俯掇神物安敢寇林柯有

脫葉欲墮鳥驚救爭銜彎環飛投棄急哺音殼音旋歸道廻

睨達枿壯復奏吁嗟信奇怪峙質能化質前年遭譴謫探

歷得邂逅初從藍田入顧眄勞頸脰時天晦大雪淚目苦

朦瞶音峻塗拖長冰直上若懸溜褰衣步推馬顛蹶退且

復蒼黃忘遐晷所矚纔左右杉篁咤音蒲蘇杲耀攢介冑

專心禔平道脫險逾避臭昨來逢清霽宿願忻始副音崢音



嶭音宏躋冢頂條閃雜颯音吾馳音又前低劃音畫開闊爛漫堆衆

皴或連若相從或蹙若相鬪或妥若弭伏或竦若驚雉或

散若瓦解或赴若輻湊或翩若船遊或决若馬驟或背若

相惡或向若相佑或亂若抽筍或噪音鼻若注灸或錯若繪

畫或繚若篆籀音宙或羅若星離或翁若雲逗音豆或浮若波

濤或碎若鋤耨或如賁育倫賭勝勇前購先強勢已出後

鈍嗔誼音鬪需音耨或如帝王尊叢集朝賤幼雖親不褻狎雖

遠不悖謬或如臨食案肴核紛釘音丁定餽音豆又如遊九原

墳墓包槨柩或纒若盆罌或揭若甌豆或覆若曝鼈或頽

若寢獸或蜿若藏龍或翼若搏鶯音就或齊若友朋或隨若

先後或迸若流落或顧若宿留音溜或戾若仇讐或密若

媾或儼若峨冠或翻若舞袖或屹若戰陣或圍若蒐狩或

靡然東注或偃然北首音去或如火熿熿或若氣饋音分留音留

或行而不輟或遺而不收音惜或斜而不倚或弛而不毅或

赤若禿鬣音丘閑音切或燠若柴樵音紉或如龜折兆或若封分繇

音宙或前橫若剝或後斷若妬延離又屬夫夫叛還遘喁

喁音願魚闖音趣萍落落月經宿閭閭樹牆垣巘巘架庫廐參

參削劔戟煥煥街瑩瑩音秀敷敷花披萼蘭音闌屋摧雷悠

悠舒而安兀兀狂以狃音女救超超出猶奔蠢蠢駭不懋大

哉立天地經紀肖營滕厥初孰開張僂俛誰勸侑創茲朴

而巧戮力忍勞疚得非施斧斤無乃假詛呪鴻荒竟無傳

功大莫酬儻嘗聞於祠官芬苾降歆嗅斐然作歌詩惟用



贊報音又

謝自然詩

果州南充縣寒女謝自然童騃無所識但聞有神僊輕生  
學其術乃在金泉山繁華榮慕絕父母慈愛捐疑心感臙  
魅恍惚難具言一朝坐空室雲霧生其間如聆笙竽韻來  
自冥冥天白日變幽晦蕭蕭風景寒簷楹慙明滅五色光  
屬聯觀者徒傾駭躑躅詎敢前須臾自輕舉飄若風中煙  
茫茫八紘大影響無由緣里胥上其事郡守驚且歎平聲驅  
車領官吏忙俗爭相先入門無所見冠履同蛻蟬皆云神  
僊事灼灼信可傳余聞古夏后象物知神姦山林民可入  
魍魎莫逢旃逶迤不復振後世恣欺謾幽明紛雜亂人鬼

更相殘秦皇雖篤好漢武洪其源自從二主來此禍竟連  
連木石生怪變狐貍騁妖患平聲莫能盡性命安得更長延  
人生處萬類知識最爲賢奈何不自信反欲從物遷往者  
不可悔孤魂抱深冤來者猶可誠余言豈空文人生有常  
理男女各有倫寒衣及饑食在紡績耕耘下以保子孫上  
以奉君親苟異於此道皆爲棄其身噫乎彼寒女永託異  
物羣感傷遂成詩昧者宜書紳

秋懷詩十一首

窻前兩好樹衆葉光蕤蕤秋風一披拂策策鳴不已微燈  
照空牀夜半偏入耳愁憂無端來感歎成坐起天明視顏  
色與故不相似羲和驅日月疾急不可恃浮生雖多塗趨



死惟一軌胡爲浪自苦得酒且歡喜

白露下百草蕭蘭共雕悴青青四牆下已復生滿地寒蟬  
暫寂寞蟋蟀鳴自恣運行無窮期稟受氣苦異適時各得  
所松柏不必貴

彼時何卒卒

蒼沒切

我志何曼曼

萬音

犀首空好飲廉頗尚能

飯學堂日無事驅馬適所願茫茫出門路欲去聊自勸歸  
還閱書史文字浩千萬陳跡竟誰尋賤嗜非貴獻丈夫意  
有在女子乃多怨

秋氣日惻惻秋空日凌凌上無枝上蜩下無盤中蠅豈不  
感時節耳目去所憎清曉卷書坐南山見高稜其下澄秋  
水有蛟寒可曾惜哉不得往豈謂吾無能

離離掛空悲感感抱虛警露泫秋樹高蟲弔寒夜永歛退  
就新懦趨營悼前猛歸愚識夷塗汲古得脩綆名浮猶有  
耻味薄真自幸庶幾遺悔尤卽此是幽屏

今晨不成起端坐盡日景蟲鳴室幽幽月吐窻罔罔喪懷  
若迷方浮念劇含梗塵埃慵伺候文字浪馳騁尚須勉其  
頑王事有朝請

秋夜不可晨秋日苦易暗我無汲汲志何以有此憾寒雞  
空在棲缺月煩屢瞰有琴具徽絃再鼓聽愈淡古聲久埋  
滅無由見直濫低心逐時趨苦勉祇能暫有如乘風船一  
縱不可纜不如覩文字丹鉛事點勘豈必求贏餘所要石  
與甌



卷卷落地葉隨風走前軒鳴聲若有意顛倒相追奔空堂  
黃昏暮我坐默不言童子自外至吹燈當我前問我我不  
應饋我我不餐退坐西壁下讀詩盡數編作者非今士相  
去時已千其言有感觸使我復悽酸顧謂汝童子置書且  
安眠丈夫屬有念事業無窮年

霜風侵梧桐衆葉著樹乾空堦一片下瑩若摧琅玕謂是  
夜氣滅望舒音韻其團青冥無依倚飛轍危難安驚起出  
戶視倚楹久沈音九瀾憂愁費晷景日月如跳丸迷復不計  
遠爲君駐塵鞍

暮暗來客去羣囂各收聲悠悠偃宵寂塵塵音尾抱秋明世  
累忽進慮外憂遂侵誠強懷張不滿弱念缺已盈詰屈避  
語筭真茫觸心兵敗虞千金棄得比寸草榮知耻足爲勇  
晏然誰汝令  
鮮鮮霜中菊旣晚何用好揚揚弄芳蝶爾生還不早運窮  
兩值遇婉變死相保西風蟄龍蛇衆木日凋槁由來命分  
爾泯滅豈足道

與赴江陵途中寄贈王二十補闕李十一拾遺李二十  
六員外翰林三學士

孤臣昔放逐血泣追愆尤汗漫不省識音晷如乘桴浮或  
自疑上䟽上䟽豈其由是年京師旱田畝少所收上憐民  
無食征賦半已休有司恤經費未免煩徵求富者旣云急  
貧者固已流傳聞閭里間赤子棄渠溝持男易斗粟掉臂



莫肯酬我時出衢路餓者何其稠親逢道邊死佇立久咿  
憂歸舍不能食有如魚中鉤適會除御史誠當得言秋拜  
疏移閣門爲忠寧自謀上陳人疾苦無令絕其喉下陳畿  
甸內根本理宜優積雪驗豐熟幸寬待蠶麤天子惻然感  
司空歎稠繆謂言卽施設乃反遷炎州同官盡才俊偏善  
柳與劉或慮語言洩傳之落冤讐二子不宜爾將疑斷還  
不中使臨門遺頃刻不得留病妹臥牀褥分知隔明幽悲  
啼乞就別百請不領頭弱妻抱稚子出拜忘慚羞僂俛不  
迴顧行行詣連州朝爲青雲士暮作白頭囚商山季冬月  
冰凍絕行輶春風洞庭浪出沒驚孤舟逾嶺到所任低顏  
奉君侯酸寒何足道隨事生瘡疣遠地觸途異吏民似獲

猴生瘳

耕

多忿狠辭舌紛嘲啁白日屋簷下雙鳴鬪

鷓有蛇類兩首有蠱羣飛游窮冬或搖扇盛夏或重裘颯

暗起最可畏

音 哮

許交 簸陵丘雷霆助光怪氣象難比

侔癘疫忽潛遘十家無一瘳猜嫌動置毒對案輒懷愁前

日遇恩赦私心喜還憂果然又羈縶不得歸耨耰此府雄

且大騰凌盡戈矛棲棲法曹掾何處事卑陬生平企仁義

所學皆孔周早知大理官不列三后儔何況親犴

榜音發姦偷懸知失事勢恐自罹罟音浮湘水清且急涼

風日脩脩胡爲首歸路旅泊尚夷猶昨者京使至嗣皇傳

冕旒赫然下明詔首罪誅共咬音復聞顛天輩峨冠進

鴻疇班行再肅穆璜珮鳴琅璆音佇繼貞觀烈邊封脫兜



韓文公集卷之五十一  
一五十一  
鏊音三賢推侍從卓犖傾枚鄒高議參造化清文煥皇猷  
協心輔齊聖致理同毛輜小雅詠鹿鳴食苹貴呦呦遺風  
邈不嗣豈憶嘗同凋失志早衰換前期擬蜉蝣自從齒牙  
缺始慕舌爲柔因疾鼻又塞漸能等薰猶深思罷官去畢  
命依松楸空懷焉能果但見歲已邁殷湯閔禽獸解網祝  
蛛螯雷煥掘寶劍冤氛銷斗牛茲道誠可尚誰能借前籌  
殷勤謝吾友明月非暗投

暮行河堤上

暮行河堤上四顧不見人衰草際黃雲感歎愁我神夜歸  
孤舟臥展轉空及晨謀計竟何就嗟嗟世與身

夜歌

靜夜有清光閑堂仍獨息念身幸無恨志氣方自得樂哉  
何所憂所憂非我力

重雲二首李觀疾贈之

天行失其度陰氣來干陽重雲閉白日炎燠成寒涼小人  
但咨怨君子惟憂傷飲食爲減少身體豈寧康此志誠足  
貴懼非職所當藜藿尚如此肉食安可嘗窮冬百草死幽  
桂乃芬芳且况天地間大運自有常勸君善飲食鸞鳳本  
高翔

江漢一首答孟郊

江漢雖云廣乘舟渡無艱流沙信難行馬足常往還淒風  
結衝波孤裘能禦寒終宵處幽室華燭光爛爛苟能行忠



信可以居夷蠻嗟余與夫子此義每所敦何爲復見贈繼  
繼在不諼

長安交遊者一首贈孟郊

長安交遊者貧富各有徒親朋相過時亦各有以娛陋室  
有文史高門有笙竽何能辨榮悴且欲分賢愚

岐山下二首

誰謂我有耳不聞鳳皇鳴鳩來岐山下日暮邊鴻驚○丹  
穴五色羽其名爲鳳皇昔周有盛德此鳥鳴高岡和聲隨  
祥風窅窅相飄揚聞者亦何事但知時俗康自從公旦死  
千載閱其光吾君亦勤理音爾一來翔

韓文卷之一終

韓文卷之二

古詩

北極一首贈李觀

北極有羈羽南溟有沈鱗川源浩浩隔影響兩無因風雲  
一朝會變化成一身誰言道里遠感激疾如神我年二十  
五求友昧其人哀歌西京市乃與夫子親所尚苟同趨賢  
愚豈異倫方爲金石姿萬世無緇磷無爲兒女態憔悴悲  
賤貧

此日足可惜一首贈張籍

此日足可惜此酒不足嘗捨酒去相語共分一日光念昔  
未知子孟君自南方自矜有所得意子有文章我名屬相



府欲往不得行思之不可見百端在中腸維時月魄死冬  
日朝在房驅馳公事退聞子適及城命車載之至引坐於  
中堂開懷聽其說徃徃副所望孔丘歿已遠仁義路久荒  
紛紛百家起詭怪相披猖長老守所聞後生習爲常少知  
誠難得純粹古已亡譬彼植園木有根易爲長留之不遣  
去館置城西旁歲時未云幾浩浩觀湖江衆夫指之笑謂  
我知不明兒童畏雷電魚鼈驚夜光州家舉進士選試繆  
所當馳辭對我策章句何煒煌相公朝服立工席歌鹿鳴  
禮終樂亦闕相拜送於庭之子去須臾赫赫流盛名竊喜  
復竊歎諒知有所成人事安可恒奄忽令我傷聞子高第  
日正從相公喪哀情逢吉語音悅切難爲雙暮宿

師西徒展轉在牀夜聞汴州亂遶壁行徬徨我時留妻子  
倉卒不及將相見不復期零落甘所丁驕兒未絕乳念之  
不能忘忽如在我所耳若聞啼聲中途安得返一日不可  
更俄有東來說我家免罹殃乘船下汴水東去趨彭城從  
喪朝至洛還走不及停假道經盟津出入行澗岡日西入  
軍門羸馬顛且僵主人願少留延入陳壺觴卑賤不敢辭  
忽忽心如狂飲食豈知味絲竹徒轟轟平明脫身去决若  
驚鳧翔黃昏次汜音似水欲過無舟航號呼久乃至夜濟十  
里黃中流上灘渾音但沙水不可詳驚波暗合杳星宿爭翻  
芒轅馬踳躅鳴左右泣僕童甲午憇時門臨泉窺鬪龍東  
南出陳許陂澤平茫茫道邊草木花紅紫相低昂百里不



逢人角角雄雉鳴行行二月暮乃及徐南疆下馬步堤岸  
上船拜吾兄誰云經艱難百口無天殤僕射南陽公宅我  
睢水陽篋中有餘衣盎中有餘糧閉門讀書史窻戶忽已  
涼日念子來遊子豈知我情別離未爲久辛苦多所經對  
食每不飽共言無倦聽連延三十日晨坐達五更我友二  
三子宦遊在西京東野窺禹穴李翱觀濤江蕭條千萬里  
會合安可逢淮之水舒舒楚山直叢叢子又捨我去我懷  
焉所窮男兒不再壯百歲如風狂高爵尚可求無爲守一  
鄉

幽懷

幽懷不能寫行此春江濤適與佳節會士女競光陰凝粧

耀洲渚繁吹蕩人心間關林中鳥亦知和爲音豈無一罇  
酒自酌還自吟但悲時易失四序迭相侵我歌君子行視  
古猶視今

君子法天運

君子法天運四時可前知小人惟所遇寒暑不可期利害  
有常勢取捨無定姿焉能使我心皎皎遠憂疑

落葉一首送陳羽

落葉不更息斷蓬無復歸飄飄終自異邂逅暫相依悄悄  
深夜語悠悠寒月輝誰云少年別流淚各霑衣

歸彭城

天下兵又動太平竟何時許謨者誰子無乃失所宜前年



關中旱閭井多死饑去歲東郡水生民爲流屍上天不虛  
應禍福各有隨我欲進短策無由至彤墀列肝以爲紙瀝  
血以書辭上言陳堯舜下言引龍夔言詞多感激文字少  
歲音威藜一讀已自怪再尋良自疑食芹雖云美獻御固已  
癡緘封在骨髓耿耿空自竒昨者到京城屢陪高車馳周  
行多俊異議論無瑕疵見待頗異禮未能去毛皮到口不  
敢吐徐徐俟其巖歸來戎馬間驚顧似羈雌連日或不語  
終朝見相欺乘閒輒騎馬茫茫詣空陂遇酒卽酩酊君知  
我爲誰

醉後

煌煌東方星奈此衆客醉初喧或忿爭中靜雜嘲戲淋漓  
身上衣顛倒筆下字人生如此少酒賤且勤置

醉贈張秘書

人皆勸我酒我若耳不聞今日到君家呼酒持勸君爲此  
座上客及余各能文君詩多態度藹藹春空雲東野動驚  
俗天葩吐奇芬張籍學古淡軒鶴避雞羣阿買不識字頗  
知書八分詩成使之寫亦足張吾軍所以欲得酒爲文俟  
其醺酒味旣冷冽酒氣又氛氲性情漸浩浩諧笑方云云  
此誠得酒意餘外徒續紛長安衆富兒盤饌羅羶葷不解  
文字飲惟能醉紅裙雖得一餉樂有如聚飛蚊今我及數  
子固無猶與薰險語破鬼膽高詞媿皇墳至寶不雕琢神  
功謝鋤耜方今向太平元凱承華勛吾徒幸無事庶以窮



朝曛

同冠峽

南方二月半春物亦已少維舟山水間晨坐聽百鳥宿雲  
尚含姿朝日忽升曉騎旅感和鳴囚拘念輕矯潏潏淚久  
迸詰曲思增繞行矣且無然蓋棺事乃了

送惠師

惠師浮屠者乃是不羈人十五愛山水超然謝朋親脫冠  
翦頭髮飛步遺蹤塵發跡入四明梯空上秋旻遂登天台  
望衆壑皆嶙峋夜宿最高頂舉頭看星辰光芒相照燭南  
北爭羅陳茲地絕翔走自然巖且神微風吹木石澎湃聞  
韶鈞夜半起下視溟波銜日輪魚龍驚踊躍吁嘯成悲辛

怪氣或紫赤敲磨共輪囷金鷄旣騰翥六合俄清新常聞  
禹穴竒東去窺甌閩越俗不好古流傳失其真幽蹤貌難  
得聖路嗟長堙廻臨浙江濤屹起高峨岷壯志死不息千  
年如隔晨是非竟何有棄去非吾倫凌江詣廬嶽浩蕩極  
遊巡崔宰沒雲表陂陀浸湖淪是時雨初霽懸瀑垂天紳  
前年往羅浮步屐南海濬音大哉陽德盛榮茂恒留春鵬  
鷺隋長翮鯨戲側脩鱗自來連州寺曾未造城闔音日攜  
青雲客探勝窮崖濱太守邀不去羣官請徒頻囊無一金  
資翻謂富者貧昨日忽不見我令訪其鄰奔波自追及把  
手問所因顧我却興歎君寧異於民離合自古然辭別安  
足珍吾聞九疑好夙志今欲伸斑竹啼舜婦清湘沈楚臣



衡山與洞庭此固道所循尋崧方抵洛歷華遂之秦浮游  
靡定處偶徃卽通津吾言子當去子道非吾遵江魚不池  
活野鳥難籠馴吾非西方教憐子狂且醇吾嫉惰遊者憐  
子愚且醇去矣各異趣何爲浪霑巾

送靈師

佛法入中國爾來六百年齊民逃賦役高士著幽禪官吏  
不之制紛紛聽其然耕桑日失隸朝署時遺賢靈師皇甫  
姓胤胄本蟬聯少小涉書史早能綴文篇中間不得意失  
跡成延遷逸志不拘教軒騰斷牽攀圍碁鬪白黑生死隨  
機權六博在一擲梟盧叱廻旋戰詩誰與敵浩汗橫戈鋌  
延音飲酒盡百觥嘲諧思逾鮮有時醉花月高唱清且絲四

座咸寂默杳如奏湘絃尋勝不憚險黔江屢回沿瞿塘五  
六月驚電讓歸船怒水忽中裂千尋墮幽泉環廻勢益急  
仰見團團天投身豈得計性命甘徒捐浪沫感翻涌漂浮  
再生全同行二十人魂骨俱坑填靈師不掛懷冒涉道轉  
延開忠三州牧詩賦時多傳失職不把筆珠璣爲君編強  
留費日月密席羅嬋娟昨者至林邑使君數開筵逐客三  
四公盈懷贈蘭茝湖游泛漭沉溪宴駐潯浚別語不許出  
行裾動遭牽鄰州競招請書札何翩翩十月下桂嶺乘寒  
恣窺緣落落王員外爭迎獲其先自從入賓館占恠久能  
專吾徒頗攜被接宿窮歡妍聽說兩京事分明皆眼前縱  
橫雜謠俗瑣屑咸羅穿材調真可惜朱丹在磨研方將斂



之道且欲冠其顛韶陽李太守高步陵雲煙得客輒忘食  
開囊乞繒錢手持南曹叙字重青瑤鑄古氣參豕繫高標  
摧太玄維舟事干謁披讀頭風痊還如舊相識傾壺暢幽  
悵以此復留滯歸驂幾時鞭

縣齋有懷

少小尚竒偉平生足悲吒陟駕切猶嫌子夏儒肯學樊遲稼  
事業窺臯稷文章茂曹謝濯纓起江湖綴珮雜蘭麝悠悠  
指長道去去策高駕誰爲傾國媒自許連城價初隨計吏  
貢屢入澤宮射雖免十上勞何能一戰霸人情忌殊異世  
路多權詐蹉跎顏遂低摧折氣愈下治長信非罪侯生或  
遭罵懷書出皇都銜淚渡清灞身將老寂寞志欲死閑暇

朝食不盈腸冬衣纔掩骼

枯駕切

軍書旣頻召戎馬乃連跨

大梁從相公彭城赴僕射弓箭圍狐兔絲竹羅酒炙兩府

變荒涼三年就休徵求官去東洛犯雪過西華塵埃紫陌

春風雨靈臺夜名聲荷朋友援引乏姻婭雖陪彤庭臣詎

縱青真靴

音霸

寒空聳危闕曉色曜脩架捐軀辰在丁

鐵音

翻時方措音措投荒誠職分領邑幸寬赦湖波翻日車嶺石

坼天罅毒霧恒熏晝炎風每燒夏雷威固已加颶勢仍相

借氣象香難測聲音吁可怕夷言聽未慣越俗循猶乍指

摘兩憎嫌睚眦互猜訝祗緣恩未報豈謂生足藉嗣皇新

繼明率土日流化惟思滌瑕垢長去事桑柘音柘斷音斷嵩開雲

扃壓頰抗風榭禾麥種滿地梨棗栽繞舍兒童稍長成雀



鼠得驅嚇音官租日輸納村酒時邀迂閑愛老農愚歸弄  
小女姪陟駕切如今便可爾何用畢婚嫁

合江亭

紅亭枕湘江蒸水會其左瞰臨眇空闊綠淨不可唾維昔  
經營初邦君實王佐翦林遷神祠買地費家貨梁棟宏可  
愛結構麗匪過伊人去軒騰茲宇遂頽挫老郎來何暮高  
唱久乃和樹蘭盈九畹音栽竹逾萬个長綆汲滄浪幽蹊  
下坎珂波濤夜俯聽雲樹朝對臥初如遺宦情終乃最郡  
課人生誠無幾事往悲豈柰音蕭條縣歲時契闊繼庸懦  
勝事誰復論醜聲日已播中丞黜凶邪天子閔窮餓君侯  
至之初閭里自相賀淹滯樂閑曠勤苦勸慵惰爲余掃塵

階命樂醉衆座窮秋感平分新月憐半破願書巖上石勿  
使泥塵浣音

陪杜侍御遊湘西兩寺獨宿有題一首因獻楊常侍

長沙千里平勝地猶在險况當江闊處斗起勢匪漸深林

高玲瓏青山上琬琰路窮臺殿闢佛事煥且儼剖竹走泉

源開廊架崖音是時秋之殘暑氣尚未斂羣行忘後先

朋息棄拘檢客堂喜空涼華榻有清簟澗蔬煮蒿芹水果

剥菱芡音伊余夙所慕陪賞亦云忝幸逢車馬歸獨宿門

不掩山樓黑無月漁火燦星點夜風一何喧杉檜屢磨颭

玳瑁猶疑在波濤怵惕夢成魘靜思屈原沈遠憶賈誼貶

椒蘭爭妬忌絳灌共讒諂誰令悲生腸坐使淚盈臉翻飛



乏羽翼指摘困瑕玷珥音貂韶藩維重政化類分陝禮賢道  
何優奉已事苦儉大厦棟方隆巨川楫行剡經營誠少暇  
遊宴固已歉旅程愧淹留徂歲嗟荏苒平生每多感柔翰  
遇頻染展轉嶺猿鳴曙燈青耿耿音陝

岳陽樓別竇司直

洞庭九州間厥大誰與讓南匯羣崖水北注何奔放渚爲  
七百里吞納各殊狀自古澄不清環混無歸向炎風日搜  
攪幽恠多冗長鞞軒然大波起宇宙隘而妨音譚巍峩拔嵩  
華騰蹕較健壯聲音一何宏轟輶音澗車萬兩猶疑帝軒轅  
張樂就空曠蛟螭露筍簴編練吹組帳鬼神非人世節奏  
頗跌踢音蕩陽施見誇麗陰閉感悽愴朝過宜春口極北缺

堤障夜纜已陵洲叢芮纔可傍星河盡涵泳俯仰迷下上  
餘瀾怒不已喧聒鳴甕盎明登岳陽樓輝煥朝日亮飛廉  
戢其威清晏息纖纒泓澄湛凝綠物影巧相況江豚時出  
戲驚波忽蕩漾時當冬之孟隙竅縮寒漲前臨指近岸側  
坐眇難望條濯神魂醒幽懷舒以暢主人孩童舊握手乍  
忻悵憐我竄逐歸相見得無恙開筵交履舄爛漫倒家釀  
杯行無留停高柱送清唱中盤進橙栗投擲傾脯醬歡窮  
悲心生婉孌不能忘黯念昔始讀書志欲干霸王屠龍破  
千金爲藝亦云亢愛才不擇行觸事得讒謗前年出官由  
此禍最無妄公卿採虛名擢拜識天仗姦猜畏彈射斥逐  
恣欺誑新恩移府庭逼側厠諸將干嗟苦鴛緩但恐失宜



當追思南渡時魚腹甘所葬嚴程迫風帆劈箭入高浪顛  
沈在須臾忠鯁誰復諒生還真可喜尅已自懲創庶從今  
日後粗識得與喪事多改前好趣有獲新尚誓耕十畝田  
不取萬乘相細君知蠶織稚子已能餉行當掛其冠生死  
君一訪

送文暢師北遊

昔在四門館晨有僧來謁自言本吳人少小學城闕已窮  
佛根源粗識事輒軌攀拘屈吾真戒轄思遠發薦紳秉筆  
徒聲譽耀前闕從求送行詩屢造忍顛蹶今成十餘卷浩  
汗羅斧鉞先生閔窮巷未得窺荆<sub>紀音</sub>厥<sub>音</sub>又聞識大道何  
路補剝削出其囊中文蒲聽實清越謂僧當少安草序頗

排訐上論古之初所以施賞罰下開迷惑胸<sub>音</sub>窳<sub>音</sub>劇株  
糜<sub>音</sub>僧時不聽瑩若飲水救渴<sub>音</sub>風塵一出門時日多如  
髮三年竄荒嶺守縣坐深樾<sub>音</sub>微租聚異物詭製怛巾韞  
幽窮共誰語思想甚含噦<sub>切於月</sub>昨來得京官照壁喜見蝎  
歌<sub>音</sub>况逢舊親識無不比鷓<sub>音</sub>兼<sub>音</sub>蟹<sub>音</sub>長安多門戶弔慶少休  
歇而能勤來過重惠安可揭當今聖政初恩澤完<sub>音</sub>狨<sub>音</sub>出  
狨<sub>切許月</sub>胡爲不自暇飄戾逐鷓<sub>音</sub>鷹<sub>音</sub>僕射領北門威德  
壓胡羯相公鎮幽都竹帛爛動伐酒場舞閨姝獵騎圍邊  
月開張篋中寶自可得津筏從茲富裘馬寧復茹藜蕨余  
期報恩後謝病老耕<sub>音</sub>岱<sub>音</sub>庇身指蓬茅逞志縱<sub>音</sub>檢<sub>音</sub>驗<sub>音</sub>獨  
僧還相訪來山藥煮可掘



答張徹

辱贈不知報我歌爾其聆首叙始識面次言後分形道途  
絲萬里日月垂十齡浚郊避兵亂睢岸連門停肝膽一古  
劍波濤兩浮萍漬墨竄舊史磨丹注前經義苑手祕寶文  
堂耳驚霆暄晨躡露舄暑夕眠風櫺結友子讓抗請師我  
慚丁初味猶噉蔗遂通斯建瓴搜竒日有富嗜善心無寧  
石梁平佺佺音挺沙水光泠泠乘枯摘野豔沈細抽潛腥遊  
寺去陟巘尋徑返穿汀緣雲竹竦竦失路麻冥冥滌潦忽  
翻野平蕪眇開溟防泄斬夜塞懼衝城晝扃及去事戎轡  
相逢宴軍伶觥秋縱兀兀獵旦馳駟音切古螢從賦始分手  
朝京忽同舫音零急時促暗棹戀月留虛亭畢事驅傳馬安

居守窻螢梅花灞水別宮燭驪山醒省選逮投足鄉賓尚

摧翎塵祛又一摻音所減切淚背音漬還雙熒洛邑得休告華山

窮絕陁音形倚岩睨海浪引袖拂天星日駕此迴轄金神所

司刑泉紳拖脩白石劍攢高青磴蘚達音黯拳跼音局梯颺颺

伶俦悔狂已咋音責指垂誠仍鐫銘哦豸忝備列伏蒲愧分

涇微誠慕橫草瑣力摧撞筵音廷疊雪走商嶺飛波航洞庭

下險疑墮井守官類拘囹荒餐茹獠音老蠱幽夢感湘靈刺

史肅著蔡吏人沸蝗螟點綴簿上字趨蹌閣前鈴賴其飽

山水得以娛瞻聽紫樹雕斐疊音尾碧流滴瓏玲映波鋪遠

錦挿地列長屏愁狄音除救酸骨死怪花醉魂馨潛苞絳實

坼幽乳翠毛零赦行五百里月變三十萁漸階羣振鷺入



學誨螟蛉萃甘謝鳴鹿疊滿慚罄餅罔罔抱瑚璉飛飛聯  
鵝鵝魚鬣欲脫背虬光先照硯豈獨出醜類方當動朝廷  
勤來得晤語勿憚宿寒廳

薦士

周詩三百篇雅麗理訓誥曾經聖人手議論安敢到五言  
出漢時蘇李首更號東都漸瀰漫派別百川導建安能者  
七卓犖變風操逶迤抵晉宋氣象日凋耗中間數鮑謝比  
近最清奧齊梁及陳隋衆作等蟬噪搜春摘花卉訟襲傷  
剽盜國朝盛文章子昂始高蹈勃興得李杜萬類因陵暴  
後來相繼生亦各臻闢奧有窮者孟郊受材實雄鷲音真  
觀洞古今象外逐幽好橫空盤硬語妥帖力排泉數柔

紆餘奮猛卷海潦榮華肖天秀捷疾逾響報行身踐規矩  
甘辱耻媚竈孟軻分邪正眸子看瞭眊杳然粹而清可以  
鎮浮躁酸寒溧陽尉五十幾何耄孜孜營甘旨辛苦久所  
冒俗流知者誰指注競嘲傲聖皇索遺逸髦士日登造廟  
堂有賢相愛遇均覆燾况承歸與張二公迭嗟悼青真送  
吹噓強箭射魯縞胡爲久無成使以歸期告霜風破佳菊  
嘉節迫吹帽念將决焉去感物增戀嫪廬到彼微水中荇  
尚煩左右芼音魯侯國至小廟鼎猶納郤幸當擇珉玉寧  
有棄珪瑁悠悠我之思擾擾風中燾音導上言愧無路日夜  
惟心禱鶴翎不天生變化在咏菴薄報切通波非難圖尺地  
易可漕善善不汲汲後時徒悔懊救死具八珍不如一簞



犒微詩公勿謂愷悌神所勞

喜侯喜至贈張籍張徹

昔我在南時數君長在念搖搖不可止諷詠日囁音驗驗音  
如以膏濯衣每漬垢逾染又如心中疾箴石非所砭波驗  
常思得遊處至死無倦厭地遐物竒怪水鏡涵石劒荒花  
窮漫亂幽獸工騰閃礙目不忍窺忽忽坐昏墊逢神多所  
祝豈忘靈卽驗依依夢歸路歷歷想行店今者誠自幸所  
懷無一欠孟生去雖索侯氏來還歎歎眠聽新詩屋角月  
豔豔雜作承閒騁交驚舌牙譖他念續紛指瑕疵拒捍阻  
城塹以余經摧挫固請發鈇槩居然妄推讓見謂藝天談  
比踈語徒妍悚息不敢占呼奴具盤餐音餽餽音魚菜贍

人生但如此朱紫安足僭

古風

今日曷不樂幸時不用兵無日旣蹙矣乃尚可以生彼州  
之賦去汝不顧此州之役去我奚適一邑之水可走而違  
天下湯湯音曷曷其而歸好我衣服甘我飲食無念百年聊  
樂一日

駑驥

駑駘誠齷齪市者何其稠力小苦易制價微良易酬渴飲  
一斗水饑食一束芻嘶鳴當大路志氣若有餘驥驥生絕  
域自矜無匹儔牽驅入市門行者不爲留借問價幾何黃  
金比嵩丘借問行幾何咫尺視九州饑食玉山禾渴飲醴



泉流問誰能爲御曠世不可求惟昔穆天子乘之極遐遊  
王良執其轡造父挾其輅因言天外事茫惚使人愁駑駘  
謂騏驥餓死余爾蓋有能必見用有德必見收孰云特與  
命通塞皆自由騏驥不敢言低徊但垂頭人皆劣騏驥共  
以駑駘優喟余獨興歎才命不同謀寄詩同心子爲我商  
聲謳

### 馬馱穀

馬馱穀兮士不馱糠粃音結土被文繡兮士無裋褐彼其得  
志兮不我虞一朝失志兮其何如已焉哉嗟嗟乎鄙夫

### 出門

長安百萬家出門無所之豈敢尚幽獨與世實參差古人

雖已死書上有其辭開卷讀且想千載若相期出門各有  
道我道方未夷且於此中息天命不吾欺

### 嗟哉董生行

淮水出桐柏山東馳遙遙千里不能休淝水出其側不能  
千里百里入淮流壽州屬縣有安豐唐貞元時縣人董生  
召南隱居行義於其中刺史不能薦天子不聞名聲爵祿  
不及門門外惟有吏日來徵租更索錢嗟哉董生朝出至  
夜歸讀古人書盡日不得息或山而樵或水而漁入厨具  
甘旨上堂問起居父母不感感妻子不咨咨嗟哉董生孝  
且慈人不識惟有天翁知生祥下瑞無時期家有狗乳出  
求食雞來哺其兒啄啄庭中拾蟲蟻哺之不食鳴聲悲傍

韓文  
卷之三  
十四  
惶躑躅久不去以翼來覆待狗歸嗟哉董生誰將與儔時  
之人夫妻相虐兄弟爲讐食君之祿而令父母愁亦獨何  
心嗟哉董生無與儔

### 烽火

登高望烽火誰謂塞塵飛王城富且樂曷不事光輝勿言  
日已暮相見恐行稀願君熟念此秉燭夜中歸我歌寧自  
感乃獨淚霑衣

### 汴州亂二首

汴州城門朝不開天狗墮地聲如雷健兒爭誇殺留後連  
屋累棟燒成灰諸侯咫尺不能救孤士何者自興哀  
母從子走者爲誰大夫夫人留後兒昨日乘車騎大馬坐

者起趨乘者下廟堂不肯用于戈嗚呼奈汝母子何

### 利劍

利劍光耿耿佩之使我無邪心故人念我寡徒侶持用贈  
我比知音我心如冰劍如雪不能刺讒夫使我心腐劍鋒  
折決雲中斷開青天噫劍與我俱變化歸黃泉

### 齷齪

齷齪當世士所憂在饑寒但見賤者悲不聞貴者歎音大  
賢事業異遠抱非俗觀報國心皎潔念時涕沈瀾妖姬坐  
左右柔指發哀彈酒肴雖日陳感激寧爲歡秋陰欺白日  
泥潦不少乾河堤決東郡老弱隨驚濤天意固有屬誰能  
詰其端願辱太守薦得充諫諍官排雲叫閭闔披腹呈琅



韓文  
牙致君豈無術自進誠獨難

韓文卷之二終

韓文卷之三

古詩

河之水二首寄子姪老成

河之水去悠悠我不如水東流我有孤姪在海陬三年不見兮使我生憂日復日夜復夜三年不見汝使我鬢髮未老而先化

河之水悠悠去我不如水東注我有孤姪在海浦三年不見兮使我心苦采蕨于山緡魚于淵我徂京師不遠其還

山石

山石<sup>音</sup>犖确<sup>音</sup>行徑微黃昏到寺蝙蝠飛昇堂坐階新雨足芭蕉葉大支子肥僧言古壁佛畫好以火來照所見稀鋪

牀拂席置羹飯踈糲音臘亦足飽我饑夜深靜臥百蟲絕清  
月出嶺光入扉天明獨去無道路出入高下窮煙霏山紅  
澗碧紛爛漫時見松櫪皆十圍當流赤足蹋澗石水聲激  
激風吹衣人生如此自可樂豈必局束爲人鞿音鱗嗟哉吾  
黨二三子安得至老不更歸

天星送楊凝郎中賀正

天星牢落雞喔咿僕夫起餐車載脂正當窮冬寒未已借  
問君子行安之會朝元正無不至受命上宰須及期待從  
近臣有虛位公今此去歸何時

古汴泗交流贈張僕射

汴泗交流郡城角築塲十步平如削短垣三面繚逶迤擊

鼓騰騰樹赤旗新秋朝涼未見日公早結束來何爲兮昔  
決勝約前定百馬攢蹄近相映毬驚杖奮合且離紅牛纓  
紱黃金羈側身轉臂著馬腹霹靂應手神珠馳超遙散漫  
兩閒暇揮霍紛紜爭變化發難得巧意氣麤謹聲四合壯  
士呼此誠習戰非爲劇豈若安坐行良圖當今忠臣不可  
得公馬莫走須殺賊

忽忽

忽忽乎余未知生之爲樂也願脫去而無因安得長翮大  
翼如雲生我身乘風振奮出六合絕浮塵死生哀樂兩相  
棄是非得失付閒人

鳴鴈



嗷嗷鳴鴈鳴且飛窮秋南去春北歸去寒就暖識所依天  
長地闊棲息稀風霜酸苦稻梁微毛羽摧落身不肥徘徊  
反顧羣侶違哀鳴欲下洲渚非江南水闊朝雲多草長沙  
軟無網羅閒飛靜集鳴相和違憂懷惠性匪他凌風一舉  
君謂何

龍移

天昏地黑蛟龍移雷驚電激雄雌隨清泉百丈化為土魚  
鼈枯死吁可悲

雉帶箭

原頭火燒靜兀兀野雉畏鷹出復沒將軍欲以巧伏人盤  
馬彎弓惜不發地形漸窄觀者多雉驚弓滿勁箭加衝人

决起百餘尺紅翎白鏃相傾斜將軍仰笑軍吏賀五色離  
披馬前墮

條山蒼

條山蒼河水黃浪波云云去松柏在山岡

贈鄭兵曹

罇酒相逢十載前君為壯夫我少年罇酒相逢十載後我  
為壯夫君白首我材與世不相當戰鱗委翅無復望當今  
賢俊皆周行音君何為乎亦遑遑杯行到君莫停手破除  
萬事無過酒

桃源圖

神僊有無何眇芒桃源之說誠荒唐流水盤迴山百轉生

綃數幅垂中堂武陵太守好事者題封遠寄南宮下南宮  
先生忻得之波濤入筆驅文辭文工畫妙各臻極異境恍  
惚移於斯架巖鑿谷開宮室接屋連牆千萬日羸顛劉蹶  
了不聞地坼天分非所恤種桃處處惟開花川原近遠蒸  
紅霞初來猶自念鄉邑歲久此地還成家漁舟之子來何  
所物色相猜更問語大蛇中斷喪前王羣馬南渡開新主  
聽終辭絕共悽然自說經今六百年當時萬事皆眼見不  
知幾許猶流傳爭持酒食來相饋禮數不同樽俎異月明  
伴宿玉堂空骨冷魂清無夢寐夜半金雞啞音啞嘶音嘶頤音頤鳴  
火輪飛出客心驚人間有累不可住依然離別難為情船  
開棹進一迴顧萬里蒼蒼煙水暮世俗寧知偽與真至今

傳者武陵人

東方半明

東方半明大星沒獨有太白配殘月嗟爾殘月勿相疑同  
光共影須臾期殘月暉暉太白睽睽音睽雞三號音號更五點  
贈唐衢

虎有爪兮牛有角虎可搏兮牛可觸奈何君獨抱奇材手  
把鋤犁餓空谷當今天子急賢良音賢旆音旆函朝出開明光胡  
不上書自薦達坐令四海如虞唐

貞女峽

江盤峽束春湍豪雷風戰鬪魚龍逃懸流轟轟射水府一  
瀉百里翻雲濤漂船擺石萬瓦裂咫尺性命輕鴻毛



贈侯喜

吾黨侯生字叔<sub>尼</sub>呼我持竿釣<sub>温</sub>水平明鞭馬出都門盡  
日行行荆棘裏<sub>温</sub>水微茫絕又流深如車轍闊容輞蝦蟇  
跳過雀兒浴此縱有魚何足求我爲侯生不能已盤針擘  
粒投泥滓<sub>晡</sub>時堅坐到黃昏手倦目勞方一起暫動還休  
未可期蝦行<sub>蛭</sub>渡似皆疑舉竿引線忽有得一寸纔分  
鱗與鬣是日侯生與韓子良久歎息相看悲我今行事盡  
如此此事正好爲吾規半世遑遑就舉選一名始得紅顏  
衰人間事勢豈不見徒自辛苦終何爲便當提攜妻與子  
南入箕潁無還時叔<sub>尼</sub>君今氣方銳我言至切君勿嗤君  
欲釣魚須遠去大魚豈肯居沮洳<sub>如去聲</sub>

古意

太華峰頭玉井蓮開花十丈藕如船冷比雪霜甘比蜜一  
片入口沈痾痊我欲求之不憚遠青壁無路難<sub>黃</sub>緣安得  
長梯上摘實下種七澤根株連

八月十五夜贈張功曹

織雲四卷天無河清風吹空月舒波沙平水息聲影絕一  
杯相屬<sub>音</sub>君當歌君歌聲酸辭且苦不能聽終淚如雨洞  
庭連天九疑高蛟龍出沒<sub>音</sub>鼉號十生九死到官所幽  
居默默如藏逃下牀畏蛇食畏藥海氣濕蟄熏腥臊昨者  
州前搥大鼓嗣皇繼聖登夔臯赦書一日行萬里罪從大  
辟皆除死遷者追迴流者還滌瑕蕩垢朝清班州家申名

使家抑坎軻祗得移荆蠻判司卑官不堪說未免捶楚塵埃間同時輩流多上道天路幽險難追攀君歌且休聽我歌我歌今與君殊科一年明月今宵多人生由命非由他有酒不飲奈明何

謁衡嶽廟遂宿嶽寺題門樓

五嶽祭秩皆三公四方環鎮嵩當中火維地荒足妖怪天假神柄專其雄噴雲泄霧藏半腹雖有絕頂誰能窮我來正逢秋雨節陰氣晦昧無清風潛心默禱若有應豈非正直能感通須臾靜掃衆峰出仰見突兀撐青空紫蓋連延接天柱石廩騰擲堆祝融森然魄動下馬拜松柏一逕趨靈宮粉牆丹柱動光彩鬼物圖畫填青紅升階偃僂薦脯酒欲以菲薄明其衷廟令老人識神意睢盱偵丑鄭伺能鞠躬手持杯琖導我擲云此最吉餘難同竄逐蠻荒幸不死衣食纔足甘長終侯王將相望久絕神縱欲福難爲功夜投佛寺上高閣星月揜映雲朦朧猿鳴鐘動不知曙杲杲寒日生於東

夫干峒嘯山

峒音嘯嘯音嘯山尖神禹碑字青石赤形模竒科斗拳身薤倒披鸞飄鳳泊拏虎螭事嚴跡秘鬼莫窺道人獨上偶見之我來咨嗟涕漣漉千搜萬索何處有森森綠樹猿猱音悲

永貞行

君不見太皇諒陰未出令小人乘時偷國柄北軍百萬虎



與貌天子自將非他師一朝奪印付私黨慄慄朝士何能  
為狐鳴梟噪爭署置賜音睽音跳音跟音梁音相媿媚夜作詔  
書朝拜官超資越序曾無難公然白日受賄賂火齊音齧磊  
落堆金盤元臣故老不敢語晝臥涕泣何汎瀾董賢三公  
誰復惜侯景九錫行可歎國家功高德且厚天位未許庸  
夫干嗣皇卓犖信英主文如太宗武高祖膺圖受禪登明  
堂共流幽州鯨死羽四門肅穆賢俊登數君匪親豈其朋  
郎官清要為世稱荒郡迫野嗟可矜湖波連天日相騰蠶  
俗生梗瘴癘蒸江氛嶺稜音昏若疑一蛇兩頭見未曾怪  
鳥鳴喚令人憎蠱蟲羣飛夜撲燈雄虺毒螫音墮股肱食  
中置藥肝心崩左右使令詐難憑慎勿浪信常兢兢吾嘗

同僚情可勝具書目見非妄徵嗟爾旣往宜為懲

洞庭湖阻風贈張十一署

十月陰氣盛北風無時休蒼茫洞庭岸與子維雙舟霧雨  
晦爭世波濤怒相投大雞斷四聽糧絕誰與謀相去不容  
步險如礙山丘清談可以飽夢想接無由男女喧左右饑  
啼但啾啾非懷北歸興何用勝羈愁雲外有白日寒光自  
悠悠能令暫開霽過是吾無求

李花贈張十一署

江陵城西二月尾花不見桃惟見李風揉雨練雪羞比波  
濤翻空杳無涖君知此處花何似白花倒燭天夜明羣雞  
驚鳴官吏起金烏海底初飛來朱輝散射青霞開迷魂亂

眼看不得照耀萬樹繁如堆念昔少年著遊燕對花豈省  
曾辭杯自從流落憂感集欲去未到先思迴祇今四十已  
如此後日更老誰論哉力攜一罇獨就醉不忍虛擲委黃  
埃

杏花

居鄰北郭古寺空杏花兩株能白紅曲江滿園不可到看  
此寧避雨與風二年流竄出嶺外所見草木多異同冬寒  
不嚴地恒泄陽氣發亂無全功浮花浪蘂鎮長有纔開還  
落瘴霧中山榴躑音躑躑音逐少意思照耀黃紫徒爲叢鷓鴣  
鉤輦猿叫歇杳杳深谷攢青楓豈如此樹一來翫若在京  
國情何窮今日胡爲忽惆悵萬片飄泊隨西東明年更發

應更好道人莫忘鄰家翁

感春四首

我所思兮在何所情多地遐今徧處處東西南北皆欲往  
千江隔兮萬山阻春風吹園雜花開朝日照屋百鳥語三  
杯取醉不復論一生長恨奈何許

皇天平分成四時春氣漫誕最可悲雜花糝林草蓋地白  
日座上傾天維蜂喧鳥咽留不得紅萼萬片從風吹豈如  
秋霜雖慘冽摧落老物誰惜之爲此徑須沽酒飲自外天  
地棄不疑近鄰老杜無檢束爛漫長醉多文辭屈原離騷  
二十五不肯舖啜糟與醑惜哉此子巧言語不到聖處寧  
非癡幸逢堯舜明四目條理品彙皆得宜平明出門暮歸



舍酪酏馬上知爲誰

朝騎一馬出塏就一牀臥詩書漸欲拋節行久已惰冠歌

感髮禿語誤驚齒墮孤負平生心已矣知何奈音儒

我恨不如江頭人長網橫江遮紫鱗獨宿荒陂射鳧鴈賣

納租賦官不嗔歸來歡笑對妻子衣食自給寧羞貧今者

無端讀書史智慧只足勞精神畫蛇著足無處用兩鬢雪

白趨埃塵乾愁漫解坐自累與衆異趣誰相親數杯澆腸

雖暫醉皎皎萬慮醒還新百年未滿不得死且可勤買拋

青春

寒食日出遊

李花初發君始病我往看君花轉盛走馬城西惆悵歸不

忍千株雪相映邇來又見桃與梨交開紅白如爭競可憐

物色阻攜手空展霜縑音兼吟九詠紛紛落盡泥與塵不共

新糶比端正桐華最晚今已繁君不強起時難更關山遠

別固其理寸步難見始知命憶昔與君同貶官夜渡洞庭

看斗柄豈料生還得一處引袖拭淚悲且慶各言生死兩

追隨直置心親無貌敬念君又署南荒吏路指鬼門幽且

憂三公盡是知音人曷不薦賢陛下聖囊空甑倒誰救之

我今一食日還併自然憂氣損天和安得康強保天性斷

鶴兩翅鳴何哀繫驥四足氣空橫去聲今朝寒食行野外綠

楊市岸蒲生迸宋玉庭邊不見人輕浪參差魚動鏡自嗟

孤賤足瑕疵特見放縱荷寬政飲酒寧嫌觥底深題詩尚

倚筆鋒勁明宵故欲相就醉有月莫愁當火令

憶昨行和張十一

憶昨夾鍾之呂初吹灰上公禮罷元侯迴車載牲牢甕舛  
音酒並召賓客延鄒枚腰金首翠光照耀絲竹迴發清以  
哀青天白日花草麗玉笋屢舉傾金罍張君名聲座所屬  
起舞先醉長松摧宿醒未解舊疴作深室靜臥聞風雷自  
期殞命在春序屈指數日憐嬰孩危辭苦語感我耳淚落  
不揜何漼漼祖回切念昔從君渡湘水大帆夜劃窮高桅陽  
山鳥路出臨武驛馬拒地驅頻墮踐蛇茹蠱不擇死忽有  
飛詔從天來伍文未擿音崖州熾雖得赦宥恒愁猜近者  
三姝悉破碎羽窟無底幽黃能奴來切眼中了了見鄉國知

有歸日眉方開今君縱署天涯吏投檄北去何難哉無妄  
之憂勿藥喜一善自足禳千災頭輕目朗肌骨健古劔新  
斲磨塵埃歿銷禍散百福併從此直至耆與鮒音台嵩山東  
頭伊洛岸勝事不假須穿栽君當先行我待滿沮溺可繼  
窮年推



韓文卷之四

古詩

劉生詩

生名師命其姓劉自少軒輊非常儔棄家如遺來遠遊東  
走梁宋暨揚州遂凌大江極東陬洪濤春天禹穴幽越女  
一笑三年留南逾橫嶺入炎州青鯨高磨波山浮怪魅炫  
曜堆蛟虬山慘音謹譟猩猩游毒氣爍體黃膏流問胡不  
歸良有由美酒傾水角音肥牛妖歌慢舞爛不收倒心迴  
腸爲青眸千金邀顧不可酬乃獨遇之盡綢繆音瞥音然一  
餉成十秋昔鬚未生今白頭五管歷徧無賢侯迴望萬里  
還家羞陽山窮邑惟猿猴手持釣竿遠相投我爲羅列陳

前修艾蒿斬蓬利鋤耨天星廻環數纜周文學穰穰困去  
切倉稠車輕御良馬力優咄哉識路行勿休往取將相酬  
恩讐

### 鄭羣贈簞

蘄州笛竹天下知鄭君所寶尤瓌竒攜來當晝不得臥一  
府傳看黃琉璃體堅色淨又藏節盡眼凝滑無瑕疵法曹  
貧賤衆所易腰腹空大何能爲自從五月困暑濕如坐深  
甑遭蒸炊手磨袖拂心語口慢膚多汗真相宜日暮歸來  
獨惆悵有賣直欲傾家資誰謂故人知我意卷送八尺含  
風漪音呼奴掃地鋪未了光彩照耀驚童兒青蠅側翅蝨  
蟲避肅肅疑有清飈吹倒身甘寢百疾愈却願天日恒炎

曦明珠清玉不足報贈子相好無時衰

### 豐陵行

羽衛煌煌一百里曉出都門葬天子羣臣雜沓馳後先宮  
官穰穰來不已是時新秋七月初金神按節炎氣除清風  
飄飄輕雨灑偃蹇旂旆卷以舒逾梁下坂笳鼓咽音嶼  
聳遂走玄宮閭哭聲訇音宏天百鳥噪幽坎晝閉空靈輿  
皇帝孝心深且遠資送禮備無贏餘設官置衛鎖嬪妓供  
養朝夕象平居臣聞神道尚清淨三代舊制存諸書墓藏  
廟祭不可亂欲言非職知何如

### 遊青龍寺贈崔太補闕

秋灰初吹季月管日出卯南暉景短友生招我佛寺行正



值萬株紅葉滿光華閃壁見神鬼赫赫炎官張火傘然雲  
燒樹火實駢金鳥下啄頰音虬卵魂翻眼倒忘處所赤氣  
冲融無間斷有如流傳上古時九輪照燭乾坤早二三道  
士席其間靈液屢進頗黎盃音忽驚顏色變韶稚却信靈  
僊非怪誕桃源迷路竟茫茫棗下悲歌徒纂纂前年嶺隅  
鄉思發躑躅成山開不筭去歲羈帆湘水明霜楓千里隨  
歸伴猿呼鼯嘯鷓鴣啼側耳酸腸難濯澣思君攜手安能  
得今者相從敢辭懶由來鈍駘音寡參尋况是儒官飽閒  
散惟君與我同懷抱鋤去陵谷置平坦年少得途未要忙  
時清諫疏尤宜罕何人有酒身無事誰家多竹門可款須  
知節候卽風寒幸及亭午猶妍暖南山逼冬轉清瘦刻畫

圭角出崖窾

音

當憂復被冰雪埋汲汲來窺誠遲緩

贈崔立之評事

崔侯文章苦捷敏高浪駕天輸不盡曾從關外來上都隨  
身卷軸車連軫朝爲百賦猶鬱怒暮作千詩轉道隳搖毫  
擲簡自不供頃刻青紅浮海蜃音才豪氣猛易語言往往  
蛟螭雜螻蛄知音自古稱難遇世俗乍見那妨哂勿嫌法  
官未登朝猶勝赤尉長趨尹時命雖乖心轉壯技能虛富  
家逾窘念昔塵埃兩相逢爭名齟齬持矛楯子時專場誇  
莆距余始張軍嚴鞬音鞞音鞞音爾來但欲保封疆莫學龐涓  
怯孫臏竄逐新歸厭聞鬧齒髮早衰嗟可閔頻蒙怨句刺  
棄遺豈有閒官敢推引深藏篋笥特一發戢戢已多如束



荀可憐無益費精神有似黃金擲虛牝當今聖人求侍從  
拔擢杞梓收措音箇音東馬嚴徐已奮飛枚臯卽召窮且  
忍復聞王師西討蜀霜風冽冽摧朝箇音走章馳檄在得  
賢燕雀紛拏要鷹隼竊料二塗必處一豈比恒人長蠢蠢  
勸君韜養待徵招不用雕琢愁肝腎牆根菊花好沽酒錢  
帛縱空衣可準暉暉簷日暖且鮮撼撼山責切井梧踈更殞  
高士例須憐麴蘖丈夫終莫生哇眈能來取醉任喧呼死  
後賢愚俱泯泯

送區弘南歸

穆昔南征軍不歸蟲沙猿鶴伏以飛洶洶洞庭莽翠微九  
疑鑿天荒是非野有象犀水貝幾分散百寶人士稀我遷

于南日周圍來見者衆莫依稀爰有區子熒熒暉觀以彛  
訓或從違我念前人譬葑菲落以斧引以纏音徽雖有不  
逮驅駢駢或採于薄漁于磯服役不辱言不譏從我荊州  
來京畿離其母妻絕因依嗟我道不能自肥子雖勤苦終  
何希王都觀音闕雙巍巍騰蹋衆駿事鞍鞿佩服上色紫  
與緋獨子之節可嗟唏母附書至妻寄衣開書拆衣淚痕  
晞雖不勅還情庶幾朝暮盤羞惻庭闈幽房無人感伊威  
人生此難餘可祈子去矣時若發機蜃沈海底氣昇霏彩  
雉野伏朝扇暈處子窈窕王所妃苟有令德隱不腓音况  
今天子鋪德威蔽能者誅薦受機出送撫背我涕揮行行  
正直慎脂韋業成志樹來頎頎音我當爲子言天扉



三星行

我生之辰月宿南斗牛奮其角箕張其口牛不見服箱斗  
不挹酒漿箕獨有神靈無時停簸揚無善名已聞無惡聲  
已謹名聲相乘除得失少有餘三星各在天什伍東西陳  
嗟汝牛與斗汝獨不能神

剥啄行

剥剥啄啄有客至門我不出應客去而嗔從者語我子胡  
爲然我不厭客困于語言欲不出納以堙其源空堂幽幽  
有秭音有莞音門以兩板叢書於間窅窅音深塹其墉甚  
完彼寧可噫此不可干從者語我嗟子誠難子雖云爾其  
口益蕃我爲子謀有萬其全凡今之人急名與官子不引

去與爲波瀾雖不開口雖不開關變化咀嚼有鬼有神今  
去不勇其如後艱我謝再拜汝無復云往追不及來不有  
年

青青水中蒲三首

青青水中蒲下有一雙魚君今上隴去我在與誰居  
青青水中蒲長在水中居寄語浮萍草相隨我不如  
青青水中蒲葉短不出水婦人不下堂行子在萬里

孟東野失子并序

東野連產三子不數日輒失之幾老念無後以悲其友人  
昌黎韓愈懼其傷也推天假其命以喻之

失子將何尤吾將上九天女實主下人與奪一何偏彼於

女何有乃令蕃且延此獨何罪辜生死旬日間上呼無時  
聞滴地淚到泉地祇爲之悲瑟縮久不安乃呼大靈龜騎  
雲欸天門問天主下人薄厚胡不均天曰天地人由來不  
相關吾懸日與月吾繫星與辰日月相噬嚙星辰踣而  
顛吾不女之罪知非女由因且物各有分孰能使之然有  
子與無子禍福未可原魚子滿母腹一一欲誰憐細腰不  
自乳舉族長孤鰥鴟梟啄母腦母死子始翻蝮蛇生子時  
坼裂腸與肝好子雖云好未還恩與勤惡子不可說鴟梟  
蝮蛇然有子且勿喜無子固勿歎上聖不待教賢聞語而  
遷下愚聞語惑雖教無由悛大靈頓頭受卽日以命還地  
祇謂大靈女往告其人東野夜得夢有夫玄衣巾闖音趨然

入其戶三稱天之言再拜謝玄夫收悲以歡忻

陸渾山火和皇甫湜用其韻

皇甫補官古賁渾時當亥冬澤乾源山狂谷狼相吐吞風  
怒不休何軒軒擺磨出火以自燔有聲夜中驚莫原天跳  
地蹕顛乾坤赫赫上照窮崖垠截然高周燒四垣神焦鬼  
爛無逃門三光弛墮不復暎音敦虎能糜豬逮猴猿水龍鼉  
龜魚與黿鴉鴟鷹雉鵠鷓鴣音前包煨燧音切刀孰飛奔祝  
融告休酌卑尊錯陳齊玫音梅闢華園芙蓉披猖塞鮮繁千  
鍾萬鼓咽耳喧攢雜啾噉音獲沸箴塤彤幢絳旃紫音蘇旛  
炎官熱屬朱冠禪音昆髻音休其肉皮通胫音陞脣音屯頰音曾垤腹  
車掀轅緹頰音切鞋音非股豹兩鞬音堅霞車紅蚓日轂輻丹蕤



縑七絹切蓋緋緋帔音鴛紅帷赤幕羅脈音蟠益音荒池波風肉

陵屯谿呀虛加切鉅壑頗黎盆登五山瀛四罇熙熙音子

切音醜笑語言雷公孽山海水翻齒牙嚼齧舌腭反音翻電光

礮先念切禪徒念切頰目暖音暗項宜收威避玄根斥棄輿馬背

厥孫縮身潛喘拳肩跟君臣相憐加愛恩命黑螭偵音焚

其元天闕悠悠不可援夢通上帝血面論側身欲進叱於

閻帝賜九河前音涕痕又詔巫陽反其魂徐命之前問何

冤火行於冬古所存我如禁之絕其殮女丁婦壬傳世婚

一朝結讐奈後昆時行當反慎藏蹲視桃著花可小騫月

及申酉利復怨助汝五龍從九鯤弱厥邑囚之崑崙皇甫

作詩止睡昏辭誇出真遂上焚要余和增怪又煩雖欲悔

舌不可捫

縣齋讀書

出宰山水縣讀書松桂林蕭條捐末事邂逅得初心哀狃

醒俗耳音泉音塵襟詩成有共賦酒熟無孤斟青竹時默

釣白雲音日幽尋南方本多毒北客恒懼侵謫譴甘自守滯

留愧難任投章類縞帶佇荅逾兼金

新竹

筍添南塔竹日日成清閔縹節已儲霜黃苞猶揜翠出攔

抽五六當戶羅三四高標陵秋嚴貞色奪春媚稀生巧補

林併出疑爭地縱橫乍依行爛漫忽無次風枝未飄吹露

粉先溼淚何人可攜翫清景空瞪視

晚菊

少年飲酒時踴躍見菊花今來不復飲每見恒咨嗟佇立  
摘滿手行行把歸家此時無與語棄置奈悲何

落齒

去年落一牙今年落一齒俄然落六七落勢殊未已餘存  
皆動搖盡落應始止憶初落一時但念豁可耻及至落二  
三始憂衰即死每一將落時慄慄恒在已义牙妨食物顛  
倒怯漱水終焉捨我落意與崩山比今來落既熟見落空  
相似餘存二十餘次第知落矣儻嘗歲落一自足支兩紀  
如其落併空與漸亦同指人言齒之落壽命理難恃我言  
生有涯長短俱死爾人言齒之豁左右驚諦視我言莊周

云水鴈各有喜語訛默固好嚼廢軟還美因歌遂成詩時  
用詫妻子

哭楊兵部凝陸欽州參

人皆期七十纔半豈蹉跎併出知己淚自然白髮多晨興  
為誰慟還坐久滂沱論文與晤語已矣可如何

苦寒

四時各平分一氣不可兼隆冬奪春序顛瑱固不廉太昊  
弛維綱畏避但守謙遂令黃泉下萌牙天勾尖草木不復  
抽百味失苦甜凶飈攬宇宙鋌刃甚割砭音日月雖云尊  
不能活烏蟾羲和送日出恒怯頻窺規加廉音炎帝持祝融  
呵噓不相炎而我當此時恩光何由沾肌膚生鱗甲衣被



如刀鎌氣寒鼻莫艱血凍指不粘濁醪沸入喉口角如銜  
箝將持七箸食觸指如排籤侵鱸不覺暖熾炭屢已添探  
湯無所益何況續與縑虎豹僵穴中蛟螭死幽潛炭惑喪  
纏次六龍冰脫髻芒碭音大包內生類恐盡殲啾啾窻間  
雀不知已微纖舉頭仰天鳴所願晷刻淹不如彈射死却  
得親魚燂鸞皇苟不存爾固不在占其餘蠢動儔俱死誰  
恩嫌伊我稱最靈不能女覆苦悲哀激憤歎五藏難安恬  
中宵倚牆立淫淚何漸漸音天王哀無辜惠我下顧瞻寒  
旒去耳續調和進梅鹽賢能日登御黜彼傲與儉生風吹  
死氣豁達如褰簾懸乳零落墮晨光入前簷雪霜頓銷釋  
土脉膏且黏豈徒蘭蕙榮施及艾與蒹日萼行鑠鑠風條

坐檐檐

處占切

天平苟其能吾死意亦厭

和虞部盧四酬翰林錢七赤藤杖歌

赤藤爲杖世未窺臺郎始攜自滇池滇王掃宮避使者跪  
進再拜語乙骨切伊繩橋柱過免傾墮性命造次蒙扶持  
途經百國皆莫識君臣聚觀逐旌麾共傳滇神出水獻赤  
龍拔鬚血淋漓又云羲和操火鞭瞋到西極睡所遺幾重  
包裹自題署不以珍怪誇荒夷歸來捧贈同舍子浮光照  
手欲把疑空堂晝眠倚牖戶飛電著壁搜蛟螭南宮清深  
禁闈密唱和有類吹埴篴妍辭麗句不可繼見寄聊且慰  
分司

崔十六少府攝伊陽以詩及書見投因酬三十韻



崔君初來時相識頗未慣但聞赤縣尉不比博士慢賃屋  
得連牆往來忻莫問我時亦新居觸事苦難辦蔬殮要同  
喫破襖請來綻謂言安堵後貸借音迹更何患不知孤遺多  
舉族仰薄宦有時未朝餐得米日已晏隔牆聞謹呼衆口  
極鵝鴈前計頓乖張居然見真贗嬌兒好眉眼袴脚凍兩  
骭下晏切捧書隨諸兄累累音雷兩角古患切冬惟茹寒壑秋  
始識瓜瓣問之不言饑飫若厭芻豢才名三十年久合居  
給諫白頭趨走裏閉口絕謗訕府公舊同袍拔擢宰山澗  
寄詩雜詠音步切有類說鵬鷃上言酒味酸冬衣竟未撰  
患音下言人吏稀惟足彪與虺音棧又言致豬鹿此語乃善幻  
三年國子師腸肚習藜藿况住洛之涯魴音房鱒音才本可罩

汕音訕肯效屠門嚼久嫌弋者篡謀拙日焦拳活計似鋤剗  
鑷音鑷男寒遊詩書妻瘦刺腰襟音盼為官不事職厥罪在欺謾  
行當自効去漁釣老葭亂五患切歲窮寒氣驕冰雪滑磴棧  
音問難屢通何由覲清盼

送侯參謀赴河中幕

憶昔初及第各以少年稱君願始生鬚我齒清如冰爾時  
心氣壯百事謂已能一別詎幾何忽如隔晨興我齒豁可  
鄙君顏老可憎相逢風塵中相視迭嗟矜幸同學省官未  
路再得朋東司絕教授遊宴以為恒秋漁蔭密樹夜博然  
明燈雪逕抵樵叟風塵折談僧陸渾桃花間有湯沸如丞  
三月松少步躑躅紅千層洲沙厭晚坐嶺壁窮晨昇沉冥



不計日爲樂不可勝遷滿一已異乖離坐難憑行行事結  
束人馬何躋其畧騰感激生膽勇從軍豈嘗曾泚泚音司  
徒公天子瓜與肱提師十萬餘四海欽風稜河北兵未進  
蔡州帥新薨曷不請掃除活彼黎與烝鄙夫誠怯弱受恩  
愧徒弘猶思脫儒冠棄死取先登又欲面言事上書求詔  
徵侵官固非是妄作譴可懲惟當待責免耕斲歸溝塍音  
今君得所附勢若脫鞵音鷹擻筆無與讓幕謀職其膺收  
績開史牒翰飛逐滇鵬男兒貴立事流景不可乘歲老陰  
沴音作雲頽雪翻崩別袖拂落水征車轉嶠陵勤勤酒不  
進勉勉恨已仍送君出門歸愁腸若牽繩默坐念語笑癡  
如遇寒蠅策馬誰可適晤言誰爲應席塵惜不掃殘罇對

空疑信知後會時日月屢環組居登生期理行役歡緒絕  
難承寄書惟在頻無恡簡與繒

東都遇春

少年氣真狂有意與春競行逢二三月九州花相映川原  
曉服鮮桃李晨糝覩荒乘不知疲醉死豈辭病飲噉徒感  
惟所便文章倚豪橫爾來曾幾時白髮忽滿鏡舊游喜乖  
張新輩足嘲評音心腸一變化羞見時節盛得閒無所作  
貴欲辭視聽深居疑避仇默臥如當瞑朝曦入牖來鳥喚  
昏不醒爲生鄙計筭鹽米告屢罄坐疲都忘起冠側懶復  
正幸蒙東都官獲離機與乖乖慵遭傲僻漸染生弊性既  
去焉能追有來猶莫聘有船魏王池徃徃縱孤泳水容與



天色此處皆綠淨岸樹共紛披渚牙相緯經音懷歸苦不  
果卽事取幽迸貪求匪名利所得亦已併悠悠度朝暮落  
落捐季孟羣公一何賢上戴天子聖謀謨收禹績四面出  
雄勁轉輸非不勤稽逋有軍令在庭百執事奉職各祇敬  
我獨胡爲哉坐與億兆慶譬如籠中鳥仰給活性命爲詩  
告友生負愧終究竟

感春五首

辛夷高花最先開青天露坐始此迴已呼孺人屢鳴瑟更  
遣稚子傳清杯選壯軍興不爲用坐狂朝論無由陪如今  
到死得閒處還有詩賦歌康哉

洛陽東風幾時來川波岸柳春全迴宮門一鎖不復啓雖

有九陌無塵埃策馬上橋朝日出樓闕赤白正崔嵬孤吟  
屢闕莫與和寸恨至短誰能裁

春田可耕時已催王師北討何當迴放車載草農事濟戰  
馬苦饑誰念哉蔡州納節舊將死起居諫議聯翩來朝廷  
未省有遺策宵不垂意銚與鼙

前隨杜尹拜表迴笑言溢口何歡哈呼來切孔丞別我適臨  
汝風骨峭峻遺塵埃音容不接祇隔夜凶計詎可相尋來  
天公高居鬼神惡欲保性命誠難哉

辛夷花房忽全開將衰正盛須頻來清晨輝輝燭霞日薄  
暮耿耿和煙埃朝明夕暗已足歎况乃滿地成摧頽迎繁  
送謝別有意誰肯留念少環迴



酬裴十六功曹巡府西驛途中見寄

相公罷論道聿至活東人御史坐言事作吏府中塵遂令  
河南治今古無儔倫四海日富庶道途監蹄輪府西三百  
里候館同魚鱗相公謂御史勞子去自巡是時山水秋光  
景何鮮新哀鴻鳴清耳宿霧塞高曼遺我行旅詩軒軒有  
風神譬如黃金盤照耀荆璞真我來亦已幸事賢友其仁  
持竿洛水側孤坐屢窮辰多才自勞苦無用祇因循辭免  
期匪遠行行及山春

燕河南府秀才

吾皇紹祖烈天下再太平詔下諸郡國歲貢鄉曲英元和  
五年冬房公尹東京功曹上言公是月當登名乃選二十

縣試官得鴻生羣儒負已材相賀簡擇精怒起簸羽翮引  
吭吐鏗轟此都自周公文章繼名聲自非絕殊尤難使耳  
目驚今者遭震薄不能出聲鳴鄙夫忝縣尹愧慄難爲情  
惟求文章寫不敢妬與爭還家救妻兒具此前煎烹柿紅  
蒲萄紫肴果相扶檠芳茶出蜀門好酒濃且清何能充歡  
燕庶以露厥誠昨聞詔書下權公作邦楨文人得其職文  
道當大行陰風攪短日冷雨澁不晴勉哉戒徒馭家國遲  
治子榮

送李翱

廣州萬里途山重江逶迤行行何時到誰能定歸期揖我  
出門去顏色異恒時雖云有追送足跡絕自茲人生一世

間不自張與施譬如浮江木縱橫豈自知寧懷別時苦勿作別後思

送石處士赴河陽幕

長把種樹書人云避世士忽騎將軍馬自號報恩子風雲入壯懷泉石別幽耳鉅鹿師欲老常山險猶恃豈惟彼相憂固是吾徒恥去去事方急酒行可以起

送湖南李正字歸

長沙入楚深洞庭值秋晚人隨鴻鴈少江共蒹葭遠歷歷余所經悠悠子當返孤遊懷耿介旅宿夢婉婉風土稍殊音魚蝦日異飯親交俱在此誰與同息偃

韓文卷之四終

韓文卷之五

古詩

辛卯年雪

元和六年春寒氣不肯歸河南二月末雪花一尺圍崩騰相排拶音雜龍鳳交橫飛波濤何飄揚天風吹旛旂白帝盛羽衛鬢音參髮音沙振裳衣白霓先啓途從以萬玉妃翕翕陵厚載譁譁弄陰機生平未曾見何暇議是非或云豐年祥飽食可庶幾善禱吾所慕誰言寸誠微

醉留東野

昔年因讀李白杜甫詩長恨二人不相從吾與東野生並世如何復躡二子蹤東野不得官白首誇龍鍾韓子稍姦



黠自慚青蒿倚長松低頭拜東野願得終始如駟蚤東野  
不廻頭有如寸筵撞鉅鍾我願身為雲東野變為龍四方  
上下逐東野雖有離別無由逢

李花二首

平旦入西園梨花數株若矜夸旁有一株李顏色慘慘似  
含嗟問之不肖道所以獨繞百市至日斜忽憶前時經此  
樹正見芳意初萌芽奈何趨酒不省錄不見玉枝攢霜葩  
泫然為汝下雨淚無由反旆羲和車東風來吹不改顏蒼  
茫夜氣生相遮冰盤夏薦碧實脆斥去不御慚其花

當春天地爭奢華洛陽園苑尤紛拏誰將平地萬堆雪剪  
刻作此連天花日光赤色照未好明月暫入都交加夜領

張徹投盧仝乘雲共至玉皇家長姬香御四羅列縞裙練  
悅無等差靜濯明糝有所奉顧我未肯置齒牙清寒瑩骨  
肝膽醒一生思慮無由邪

招揚之罍

柏生兩石間萬歲終不大野馬不識人難以駕車蓋柏移  
就平地馬羈入廐中馬思自由悲柏有傷根容傷根柏不  
死千丈日以至馬悲罷還樂振迅矜鞍轡之罍音南山來

文字得我驚館置使讀書日有求歸聲我令之罍歸失得  
柏與馬之罍別我去計出柏馬下我自之罍歸入門思而  
悲之罍別我去能不思我為灑掃縣中居引水經竹間躡  
譁所不及何異山中閒前陳百家書食有肉與魚先王遺

文章綴緝實在余禮稱獨學陋易貴不遠復作詩招之  
晨夕抱饑渴

寄盧仝

玉川先生洛城裏破屋數間而已矣一奴長鬚不裹頭一  
婢赤脚老無齒辛勤奉養十餘人上有慈親下妻子先生  
結髮憎俗徒閉門不出動一紀至今鄰僧乞米送僕忝縣  
尹能不恥俸錢供給公私餘時致薄少助祭祀勸參留守  
謁大尹言語纔及輒掩耳水北山人得名聲去年去作幕  
下士水南山人又繼往鞍馬僕從塞間里少室山人索價  
高兩以諫官徵不起彼皆刺口論世事有力未免遭驅使  
先生事業不可量惟用法律自繩已春秋三傳束高閣獨

抱遺經究終始往年弄筆嘲同異怪辭驚衆謗不已近來  
自說尋坦途猶上虛空跨綠駟去年生兒名添丁意令與  
國充耘耔音子國家丁口連四海豈無農夫親耒耜先生抱  
才終大用宰相未許終不仕假如不在陳力列立言垂範  
亦足恃苗裔當蒙十世宥豈謂貽厥無基趾故知忠孝生  
天性潔身亂倫安足擬昨晚長鬚來下狀隔牆惡少惡難  
似每騎屋山下窺闕渾舍驚怕走折趾憑依婚媾欺官吏  
不信令行能禁止先生受屈未曾語忽此來告良有以嗟  
我身為赤縣令操權不用欲何俟立召賊曹呼伍伯盡取  
鼠輩尸諸市先生又遣長鬚來如此處置非所喜况又時  
當長養節都邑未可猛政理先生固是余所畏度量不敢



窺涯淡放縱是誰之過歟效尤戮僕愧前史買羊沽酒謝  
不敏偶逢明月曜桃李先生有意許降臨更遣長鬚致雙  
鯉

酬司門盧四兄雲夫院長望秋作

長安雨洗新秋出極目寒鏡開塵函終南曉望蹋龍尾倚  
天更覺青巉巉祖衛切自知短淺無所補從事久此穿朝衫  
歸來得便即遊覽暫似壯馬脫重街曲江荷花蓋十里江  
湖生自思莫緘樂遊下矚無遠近綠槐萍合不可芟白首  
寓居誰借問平地寸步局雲巖雲夫吾兄有狂氣嗜好與  
俗殊酸鹹日來省我不肯去論詩說賦相誦誦黯望秋一  
章已驚絕猶言低抑避謗讒若使乘酣騁雄怪造化何以

當鑄劔嗟我小生值強伴怯膽變勇神明鑒馳坑跨谷終  
未悔為利而止真貪饞高揖羣公謝名譽遠追甫白感至  
誠樓頭完月不共宿其奈就缺行攸攸

誰氏子

非癡非狂誰氏子去入王屋稱道士白頭老母遮門啼挽  
斷衫袖留不止翠眉新婦年二十載送還家哭穿市或云  
欲學吹鳳笙所慕靈妃姬蕭史又云時俗輕尋常力行險  
怪取貴仕神僊雖然有傳說知者盡知其妄矣聖君賢相  
安可欺乾死窮由竟何俟嗚呼余心誠豈弟願往教誨究  
終始罰一勸百政之經不從而誅未晚爾誰其友親能哀  
憐寫吾此詩持送似



河南令舍池臺

灌地纔盈五六丈築臺不過七八尺欲將層級壓離落未  
許波瀾量手碩規摹雖巧何足誇景趣不遠真可惜長令  
人吏遠趨走已有蛙黽助狼籍

送無本師歸范陽

無本於為文身大不及膽吾嘗示之難勇往無不敢蛟龍  
弄角牙造次欲手攬衆鬼囚大幽下覩襲玄窟燄天陽熙  
四海注視首不領鯨鵬相摩宰音速兩舉快一噉夫豈能必  
然固已謝黠鳥敢黠音狂詞肆滂葩低昂見舒慘姦窮怪  
變得往往造平澹蜂蟬碎錦纈綠池披茵蔕芝英擢荒藁  
孤翮起連茨上敢切家住幽都遠未識氣先感來尋吾何能

無殊嗜昌歎

祖感切

始見洛陽春桃枝綴紅糝遂來長安里

時封轉習坎老懶無關心久不事鈇槩欲以金帛酬舉室

常頗

音坎

領念當委我去霜雪刻以懜獰飈攪空衢天地與

頓撼勉率吐歌詩尉女別後覽

石鼓歌

張生手持石鼓文勸我試作石鼓歌少陵無人謫僊死才  
薄將奈石鼓何周綱陵遲四海沸宣王憤起揮天戈大開  
明堂受朝賀諸侯劔珮鳴相磨蒐于岐陽騁雄俊萬里禽  
獸皆遮羅鑄功勒成告萬世鑿石作鼓隳嗟峨從臣才藝  
咸第一揀選撰刻留山阿雨淋日炙野火燎鬼物守護煩  
搗呵公從何處得紙本毫髮盡備無差訛辭嚴義密讀難



曉字體不類隸與科年深豈免有缺畫快劍斫斷生蛟鼉  
鸞翔鳳翥衆僊下珊瑚碧樹交枝柯金繩鐵索鎖鈕壯古  
鼎躍水龍騰梭陋儒編詩不收入二雅褊迫無委蛇孔子  
西行不到秦倚音撫星宿遺羲娥嗟予好古生苦晚對此  
涕淚雙滂沱憶昔初蒙博士徵其年始改稱元和故人從  
軍在右輔爲我量度掘曰科濯冠沐浴告祭酒如此至寶  
存豈多氈包席裏可立致十鼓祇載數駱駝薦諸太廟比  
郢鼎光價豈止百倍過聖恩若許留太學諸生講解得切  
磋觀經鴻都尚填咽坐見舉國來奔波剝苔剔蘚露節角  
安置妥帖平不頗大厦深簷與蓋覆經歷久遠期無佗中  
朝大官老於事詎肯感激徒媿音嬰音阿音牧童敲火牛礪角  
其蹉跎

雙鳥詩

雙鳥海外來飛飛到中州一鳥落城市一鳥集巖幽不得  
相伴鳴爾來三千秋兩鳥各閉口萬象銜口頭春風卷地  
起百鳥皆飄浮兩鳥忽相逢百日鳴不休有耳聒皆聾有  
口反自羞百舌舊饒聲從此恒低頭得病不呻喚泯默至  
死休雷公告天公百物須膏油自從兩鳥鳴聒亂雷聲收

鬼神怕嘲詠造化皆停留草木有微情挑抉於詭示九州  
蟲鼠誠微物不堪苦誅求不停兩鳥鳴百物皆生愁不停  
兩鳥鳴自此無春秋不停兩鳥鳴日月難旋轉不停兩鳥  
鳴大法失九疇周公不爲公孔丘不爲丘天公怪兩鳥各  
捉一處囚百蟲與百鳥然後鳴啾啾兩鳥既別處閉聲省  
愆尤朝食千頭龍暮食千頭牛朝飲河生塵暮飲海絕流  
還當三千秋更起鳴相酬

贈劉服師

羨君齒牙牢且潔大肉硬餅如刀截我今呀豁落者多所  
存十餘皆兀脆匙抄爛飯穩送之合口軟嚼如牛飼音妻  
兒恐我生悵望盤中不飭栗與梨祇今年纔四十五後日  
懸知漸莽鹵朱顏皓頸訝莫親此外諸餘誰更數憶昔太  
公仕進初口含兩齒無羸餘虞翻十三比豈少遂自惋恨  
形於書丈夫命存百無害誰能點檢形骸外巨緡東釣儻  
可期與子共飽鯨魚膾

題炭谷湫祠堂

萬生都陽明幽暗鬼所寰嗟龍獨何智出入人鬼間不知  
誰爲助若執造化關厭處平地水巢居插天山列峰若攢  
指石孟仰環環巨靈高其捧保此一掬慳森沉固含蓄本  
以儲陰奸魚鼈蒙擁護羣嬉傲天頑翽翽音棲託禽飛飛  
一何閒祠堂像侔真擢玉紆煙鬢羣怪儼伺候恩威在其  
顏我來日正中悚惕思先還寄立尺寸地敢言來途艱吁



無吹毛刃血此牛蹄殷鳴閉至今乘水旱鼓舞寡與鰥林  
叢鎮冥冥窮年無由刪妍英雜豔實星瑣黃朱班石級皆  
險滑顛躋莫牽攀龍區雛衆碎付與宿已頒棄去可奈何  
吾其死茅管音好

### 聽賴師彈琴

昵昵兒女語恩怨相爾汝劃然變軒昂勇士赴敵場浮雲  
柳絮無根蒂天地闊遠隨飛揚喧啾百鳥羣忽見孤鳳凰  
躋攀分寸不可上失勢一落千丈強嗟余有兩耳未省聽  
絲篁自聞賴師彈起坐在一旁推手遽止之濕衣淚滂滂  
賴乎爾誠能無以冰炭置我腸

### 送陸暢歸江南

舉舉江南子名以能詩聞一來取高第官佐東宮軍迎婦  
丞相府誇映秀士羣鸞鳴桂樹間觀者何繽紛人事喜顛  
倒旦夕異所云蕭蕭青雲幹遂逐荆棘焚歲晚鴻鴈過鄉  
思見新文踐此秦關雪家彼吳洲雲悲啼上車女骨肉不  
可分感繫都門別丈夫酒方醺我實門下士力薄蚋與蚊  
受恩不卽報永負湘中墳

### 送進士劉師服東歸

猛虎落檻穿坐食如孤獨音豚丈夫在富貴豈必守一門公  
心有勇氣公口有直言奈何任埋沒不自求騰軒僕本亦  
進士頗嘗究根源由來骨鯁材喜被軟弱吞低頭受侮笑  
隱忍碑音律兀冤泥雨城東路夏槐作雲屯還家雖闕短指

日親晨飧攜持令名歸自足貽家尊時節不可翫親交可攀援勉來取金紫勿久休中園

嘲魯連子

魯連細而黠有似黃鸚音子田巴兀老蒼憐汝矜爪嘴開端要驚人雄跨吾厭矣高拱禪鴻聲若輟一杯水獨稱唐虞賢顧未知之耳

贈張籍

吾老著讀書餘事不掛眼有兒雖甚憐教示不免簡君來好呼出跟音將越門限懼其無所知見則先愧赧昨因有緣事上馬插手版留君住廳食使立侍盤饌薄暮歸見君迎我笑而莞指渠相賀言此是萬金產吾愛其風骨粹

美無可揀試將詩義授如以肉貫弗音開祛露毫末自得高蹇嗟我身蹈丘軻爵位不早縮固宜長有人文章紹編刻感荷君子德恍若乘朽棧召令吐所記解摘了瑟僂顧視窻壁間親戚競覘音喜氣排寒冬逼耳鳴睨睨如今更誰恨便可耕灞滻

調張籍

李杜文章在光焰萬丈長不知羣兒愚那用故謗傷蚍音蜉音撼大樹可笑不自量伊我生其後舉頸遙相望夜夢多見之晝思反微茫徒觀斧鑿痕不矚治水航想當施手時巨刃磨天揚垠崖劃崩豁乾坤擺雷硯惟此兩夫子家居率荒涼帝欲長吟哦故遣起且僵弱羽送籠中使看百



鳥翔平生千萬篇金薤垂琳琅僊官敕六丁雷電下取將  
流落人間者太山一豪芒我願生兩翅捕逐出入荒精誠  
忽交通百怪入我腸刺音七手拔鯨牙舉瓢酌天漿騰身跨  
汗漫不著織女襄顧語地上友經營無太忙乞君飛霞珮  
與我高頡頏

盧郎中雲夫寄示送盤谷子詩兩章歌以和之

昔尋李愿向盤谷正見高崖巨壁爭開張是時新晴天井  
溢誰把長劔倚太行衝風吹破落天外飛雨白日灑洛陽  
東蹈燕川食曠野有饋水葷芽滿筐馬頭溪深不可厲借  
車載過水入箱平沙綠浪榜音七方口鴈鴨飛起穿垂楊窮  
探極覽頗恣橫物外日月本不忙歸來辛苦欲誰爲坐令

再往之計墮眇芒閉門長安三日雪推書撲筆歌慨慷旁  
無壯士遣屬和遠憶盧老詩顛狂開緘忽覩送歸作字向  
紙上皆軒昂又知李侯竟不顧方冬獨入崔嵬藏我今進  
退幾時決十年蠢蠢隨朝行家請官供不報荅何異雀鼠  
偷太倉行抽手版付丞相不待彈劾還耕桑

寄皇甫湜

敲門驚晝睡問報睦州吏手把一封書上有皇甫字拆書  
放牀頭涕與淚垂四昏昏還就枕惘惘夢相值悲哉無奇  
術安得生兩翅

病中贈張十八

中虛得暴下避冷臥北窻不蹋曉鼓朝安眠聽逢逢音籍



也處閭里抱能未施邦文章自娛戲金石日擊撞龍文百  
斛鼎筆力可獨扛談舌久不掉非君亮誰雙扶儿導之言  
曲節初縱縱音半塗喜開鑿派別失大江吾欲盈其氣不  
令見麾幢牛羊滿田野解旆束空杠傾罇與斟酌四壁堆  
鬕缸玄帷隔雪風照鑪釘定明缸夜闌縱押音闔哆媚者  
口踈眉厖勢侔高陽翁坐約齊橫降音抗連日挾所有形軀  
頓降音肱音將歸乃徐謂子言得無唯音眉迴軍與角逐  
斫樹收窮龐雌聲吐款要酒壺綴羊腔君乃崑崙渠籍乃  
嶺頭瀧音譬如蟻垤微詎可陵音崆音峴音五江幸願終賜之  
斬拔音枿音與椿從此識歸處東流水淙淙音藏

雜詩

古史散左右詩書置後前豈殊蠹書蟲生死文字間古道  
自愚音愈音古言自包纏當今固殊古誰與爲欣歡獨攜無  
言子共昇崑崙顛長風飄襟裾遂起飛高圓下視禹九州  
一塵集豪端遨嬉未云幾下已億萬年向者夸奪子萬墳  
厭其巔惜哉抱所見白黑未及分慷慨爲悲咤淚如九河  
翻指摘相告語雖還今誰親翩然下大荒被髮騎騏驎  
寄崔二十六立之

西城員外丞心跡兩屈竒往歲戰詞賦不將勢力隨下驢  
入省門左右驚紛披傲兀坐試席深叢見孤羆文如翻水  
成初不用意爲四座各低面不敢捩音眼窺升階揖侍郎  
歸舍日未歇佳句喧衆口考官敢瑕疵連年收科第若摘



額底髭迴首卿相位通途無他歧豈論校書郎袍笏光參  
差童稚見稱說祝身得如斯儕輩妬且熱喘如竹筒吹老  
婦願嫁女約不論財貲老翁不量分累月答其兒攪攪爭  
附託無人角雄雌由來人間事翻覆不可知安有集中戲  
寇音插翅飛天陞駒麕音著爪牙猛虎借與皮汝頭有韁繫  
汝脚有索縻陷身泥溝間誰復稟指撫不脫吏部選可見  
偶與竒又作朝士貶得非命所施客居京城中十日營一  
炊逼迫走巴巒恩愛座上離昨來漢水頭始得完孤羈桁  
音掛新衣裳盜棄食殘糜苟無饑寒苦那用分高卑憐我  
還好古宦途同險巖每旬遺我書竟歲無差池新篇奚其  
思風幡肆逶迤又論諸毛功劈水看蛟螭雷電生睽音賜

音角鬣相撐披屬我感窮景抱華不能摘唱來和相報愧  
歎俾我疵又寄百尺綵緋紅相盛衰巧能喻其誠深淺抽  
肝脾開展放我側方餐涕垂匙朋交日凋謝存者逐利移  
子寧獨迷誤綴綴意益彌舉頭庭樹豁狂飈卷寒曦迢遞  
山水隔何由應填篋別來就十年君馬記騶驪長女當及  
事誰助出悅縞諸男皆秀朗幾能守家規文字銳氣在輝  
輝見旌麾摧腸與感容能復持酒卮我雖未耆老髮禿骨  
力羸所餘十九齒飄飄盡浮危玄花著兩眼視物隔襪音師  
離音燕席謝不詣游鞍懸莫騎敦敦音凭書案譬彼烏黏  
黏音且吾聞之師不以物自墮孤豚眠糞壤不慕太廟犧  
君看一時人幾輩先騰馳過半黑頭死陰蟲食枯蚍音歡



華不滿眼咎責塞兩儀觀名計之利詎足相陪裨仁者耻  
貪冒受祿量所宜無能食國惠豈異哀癘罷音久欲辭謝  
去休令衆睢睢音况况又嬰疹疾寧保軀不貲不能前死罷  
內實慚神祗舊籍在東都茅屋枳棘籬還歸非無指灞渭  
揚春漸生兮耕吾疆死也埋吾陂文書自傳道不仗史筆  
垂夫子固吾黨新恩釋銜羈去來伊洛上相待安忍音孤筆  
音我有雙飲觥其銀得朱音殊提音黃金塗物象雕鑄妙工  
倕乃令千里鯨么麼微螽斯猶能爭明月擺掉出渺瀰野  
草花葉細不辯蒼音葦音綠音施音施音絲音絲音相糾結狀似環城隄  
四隅芙蓉樹擢音豔音皆倚倚鯨以興音君身失所逢百罹月  
以喻夫道儼勉勵莫虧草木明覆載妍醜齊榮萎願君恒

御之行止雜燧觸異日期對舉當如合分支

月蝕詩效玉川子作

元和庚寅斗插子月十四日三更中森森萬木夜僵立寒  
氣負音戲夔音備頑無風月形如白盤完完上天東忽然有物  
來噉之不知是何蟲如何至神物遭此狼狽凶星如撒沙  
出攢集爭強雄油燈不照席是夕吐談如長虹玉川子涕  
泗下中庭獨行念此日月者爲天之眼睛此猶不自保吾  
道何由行嘗聞古老言疑是蝦蟇精徑圓千里納女腹何  
處養女百醜形把沙脚手鈍誰使女解緣青真黃帝有四  
目帝舜重其明今天祗兩目何故許食使偏盲堯呼大水  
浸十日不惜萬國赤子魚頭生女於此時若食日雖食八



九無嚙粗銜切名赤龍黑鳥燒口熱翎鬣倒側相搪撐焚酣  
大肚遭一飽饑腸徹死無由鳴後時食月罪當死天羅磕  
音音幣何處逃汝刑玉川子立於庭而言曰地行賤臣全再  
拜敢告上天公臣有一寸刃可剗凶墓腸無梯可上天天  
階無由有臣蹤寄牋東南風天門西北祈風通丁寧附耳  
莫漏洩薄命正值飛廉慵東方青色龍牙角何呀呀從官  
百餘座嚼啜煩官家月蝕汝不知安用爲龍窟天河赤鳥  
司南方尾秃翅加沙月蝕於汝頭汝口開呀呀蝦蟇  
掠汝兩吻過忍學省事不以汝觜啄蝦蟇於菟蹲於西旗  
旄衛音毳音毫音沙音旣從白帝祠又食於禘禮有加忍令月被  
惡物食枉於汝口插齒牙烏龜怯姦怕寒縮頸以殼自遮

終令夸蛾挾汝出卜師燒錐鑽灼滿板如星羅此外內外  
官瑣細不足科臣請悉掃除慎勿許語令啾譁併光全耀  
歸我月盲眼鏡淨無纖瑕弊蛙拘送主府官帝箸下腹嘗  
其蟠依前使免操杵曰玉階桂樹閒婆娑恒娥還宮室太  
陽有室家天雖高耳屬地感臣赤心使臣知意雖無明言  
潛喻厥旨有氣有形皆吾赤子雖忿大傷忍殺孩稚還女  
月明安行于次盡釋衆罪以蛙磔音死

孟生詩

孟生江海士古貌又古心嘗讀古人書謂言古猶今作詩  
三百首宵默咸池音騎驢到京國欲和薰風琴豈識天子  
居九重鬱沉沉一門百夫守無籍不可尋晶光蕩相射旗

戰翩以森遷延乍却走驚怪靡自任舉頭看白日泣涕下  
霑襟竭來遊公卿莫肯低華簪諒非軒冕族應對多差參  
萍蓬風波急桑榆日月侵奈何從進士此路轉嶇嶇音異  
質已處羣孤芳難寄林誰憐松桂性競愛桃李陰朝悲辭  
樹葉夕感歸巢禽顧我多慷慨窮簷時見臨清宵靜相對  
髮白聆苦吟採蘭起幽念眇然望東南秦吳脩且阻兩地  
無數金我論徐方牧好古天下欽竹實鳳所食德馨神所  
歆求觀衆丘小必上泰山岑求觀衆流細必泛滄溟深予  
其聽我言可以當所箴既獲則思返無爲久滯滯下和試  
三獻期子在秋砧

射訓狐

有鳥夜飛名訓狐矜凶挾狡誇自呼乘時陰黑止我屋聲  
勢慷慨非常麤安然大喚誰畏忌造作百怪非無須聚鬼  
徵妖自朋扇擺掉拱桷頽墜塗慈母抱兒怕入席那暇更  
護雞窠雛我念乾坤德泰大卵此惡物常勤劬縱之豈卽  
遽有害斗柄行拄西南隅誰謂停奸計尤劇意欲唐突羲  
和烏侵更歷漏氣彌厲何由僥倖休須吏咨余徃射豈得  
已候女兩眼張睢盱梟驚墮梁蛇走竇一夫斬頸羣雛枯  
將歸贈孟東野房蜀客

君門不可入勢利互相推借問讀書客胡爲在京師舉頭  
未能對閉眼聊自思倏忽十六年終朝苦寒饑宦途竟寥  
落鬢髮坐差池潁水清且寂箕山坦而夷如今便當去咄



咄無自疑

荅孟郊

規模背時利文字覩天巧人皆餘酒肉子獨不能飽纔春  
思已亂始秋悲又攪朝餐動及午夜諷恒至卯名聲暫擅  
腥腸肚鎮煎爍音炒古心雖自鞭世路終難拗弱拒喜張臂  
猛挈間縮爪見倒誰肯扶從嗔我須齧

從仕

居閒食不足從仕力難任兩事皆害性一生恒苦心黃昏  
歸私室惆悵起歎音棄置人間世古來非獨今

短檠歌

長檠八尺空自長短檠二尺便且光黃簾綠幕朱戶閉風  
露氣入秋堂涼裁衣寄遠淚眼暗搔頭頻挑移近牀太學  
儒生東魯客二十辭家來射策夜書細字綴語言兩目眵  
黯昏頭雪白此時提攜當案前看書到曉那能眠一朝富  
貴還自恣長檠高張照珠翠吁嗟世事無不然牆角君看  
短檠棄

送劉師服

夏半陰氣始浙然雲景秋蟬聲入客耳驚起不可留草草  
具盤饌不待酒獻酬士生爲名累有似魚中鈎齋財入市  
賣貴者恒難售音贊豈不畏顛顛爲功忌中休勉哉耘其業  
以待歲晚收

韓文卷之五終

韓文卷之五

以者遠却外

賣貴者則難書譜豈不其難哉

其難猶不若西瀛之士

夏半銀屏故液然雲長

若隱如顯

賦藥乘

貴者則難書譜豈不其難哉

其難猶不若西瀛之士

夏半銀屏故液然雲長

若隱如顯





30962

計12年